



60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9 90

C40-4514

了翁上座請大歲及有  
家書置之武州紫雲山  
我微笑塔院直府中永  
為學者不敢許出院內  
當山二世鐵牛禪譜



B 64853

法璽印禪師語錄卷第七

嗣法門人性圓旋璣旋哲旋賢等編次  
勘驗機緣

僧問昨日吞鉤今朝脫鉤師隨聲云脫後如何僧云  
通身灑落師云如何是你灑落處僧云要雲卽雲欲  
雨卽雨師云試爲山僧典雲布雨看僧便喝師云者  
弄虛漢直打出方丈

問僧云父母未生前你在什麼處僧云五十字街頭師  
云不是僧便行師云卻被語言轉去  
問參底什麼話僧云正睡時主人公師安知今堂著

眼那個是你主人公僧云不暇與和尚說夢師云不是僧喝師云我者裏不許亂喝僧復喝師直打出

問不是心不是佛不是物是個什麼僧喝云某甲是心是佛是物師打云齒人屎橛不是好狗出去問德山托鉢巖頭密啓其意那裏是他密啓處僧云到者裏口挂壁上師云恁麼三生六十劫未夢見在僧擬進語師便喝出

問叅底話頭速道僧豎一指師豎三指僧擬議師云弄精塊漢

僧作禮師云不得辜負山僧僧云爭敢辜負師云假若有人問你作麼生僧云待問卽道師云卽今問也僧無語師打云早已辜負了也

問僧叅底是甚話僧云無夢無想主人公在什麼處師云卽今聾僧云昨日燈籠知縮項今朝露柱笑伸腰師云縮項伸腰卽且從柢如枕子落地意旨如何僧云且喜今朝捉敗師云捉敗後如何僧云依舊雙眉橫額上師云莫是思惟得底麼僧拂袖便出師云到有些氣息

問僧不是心不是佛不是物是個甚麼僧云總不出

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

裏許師云你因什麼不在僧云叫某甲向分處去  
師便打僧云屈棒屈棒師云有人喫在僧擬議師打  
云龍頭蛇尾漢

師問那個是你本來面目僧云眉橫鼻直師云次了  
燒了向什麼處去僧轉身立師云如何是威音那畔  
更那畔事僧云黑漆漆師云黑漆漆是個甚麼僧云  
逼塞虛空師云祇如逼塞虛空汝向那處著腳僧擬  
議師喝出

僧叅師云因甚早不歸來親覲山僧僧云時刻不離  
和尚師云爲什麼不見僧便喝師云好好問你惡發

作麼僧無語師直打出

問不是心不是佛不是物是個甚麼僧云樹高千丈  
葉落歸根師云一口氣不來根向那裏歸僧云青山  
雲裏現露地白牛廻師云向你道不是心佛物丈道  
露地白牛廻僧無語師喝出

師問父母未生前你在那裏僧云蒲團禪板師云者  
是大家底那個是上座的僧云蕩蕩清風法界寒師  
云蕩蕩清風法界寒是什麼語僧擬議師連打云亂  
統漢

師落堂問僧叅什麼話頭僧云竹篦子師豎竹篦云

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

你喚作甚麼僧云覲面拈來無多子鷄鳩啼在百花  
枝師云觸也有了背也有了不觸不背作麼生道僧  
云從來不被舌頭瞞師云得何長處僧無語師喝出  
問無夢無想無見無聞那個是你主人公僧云行住  
坐卧師咄云驢前馬後漢僧云個中無別人師云何  
不向百尺竿頭道一句來僧云入地獄如箭射師云  
苦哉佛陀耶僧禮拜師一踏

師問百尺竿頭如何進步僧云徹底掀翻師豎竹篦  
云者箇聾僧面赤師云猶欠一點在便打出

問僧云向下一句速道速道僧云和尚何不向上問

師云者裏無你插嘴處一僧云萬里一條鐵師云者  
還是向上語向下語僧無語師云脫空妄語漢

問僧如何是那畔事僧云不是山不是水師云如何  
是者邊事僧云是山是水師云如何是全體大用僧  
叉手近前云今日親蒙和尚師云放汝三十棒

問僧你叅甚麼話頭僧云某甲忘卻了也師豎杖云  
者個你還記得麼僧云和尚莫瞞人好師休去  
問僧云觸背兩忘事若何僧云鼻孔從來搭上唇師  
云卽今在什麼處僧云被首座師打破了也師云是  
何道理僧云血流滿地師休去

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

師落堂同衆經行僧問正睡著畢竟在什麼處師推僧云你還討個什麼僧于言下有省

問僧那個是你本來面目僧云東山雲西山雨師云雲雨且置你卽今在什麼處僧一喝師直打出

問僧你一口氣不來向什麼處安身立命僧云巖前千丈雲師云畢竟如何僧云揭開紅日眼坐斷白雲峰師云且過一邊

師問僧生歟到來作麼生迴避僧云俱在鉢盂裏討消息師云你喚什麼作鉢盂僧作捧鉢勢師打云弄精魂漢

### 參見機緣

僧叅師云從什麼處來僧云安義師云旣是安義又到者裏作麼僧云親近和尚師云將什麼親近僧彈指師打云正好喫棒

僧叅師云那裏來僧云廬山師云在彼多少時僧云隨喜過師打○相云者裏過得麼僧無語師打云廬山易過鳳嶺難登僧喝師打云徒勞跨跳

居士叅問昔日馬大師示龐公云一口吸盡西江水方與你道今日弟子到來和尚如何垂示師便打士云未審與馬大師是同是別師又打云你試檢點看

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

士云掀翻海嶽求知己今日同安遇作家師云腳跟  
下再與一頓

師托鉢洪州方伯斗所余公過訪問祖師西來大意  
能了生死可得聞乎師云大護法曾問過幾知識來  
公云卽今請問和尚師舉茶盃云者是什麼公云不  
會師云不會更親切公云望和尚別開方便師遂開  
示向上數語公出席作禮

師一日與余公茶坐忽聞風雨驟臨人各驚畏公笑  
曰者個不是別人師云者話從什麼處得來公云不  
從外得師云畢竟從什麼處得公云請和尚道看師

舉茶盃云向下文長付在來日至別時師把住云正  
恁麼時主人公在什麼處公云請問和尚畢竟在什  
麼處師放開云有勞大駕

師一日與余公坐次公便舉拂取眉毛好的公案問  
曰昨日看此則公案大有疑情請和尚決之師云者  
位居士也是釘椿搖櫓當時山僧若在便與他道請  
和尚下禪牀後卽道公云下了便罷又道個什麼師  
與公大笑

師應少宰雪堂熊翁齋罷經行雪拈拄杖云者條拄  
杖恁麼直師云直且止古人云喚作拄杖則觸不喚

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

100 1 2 3 4 5 6 7 8 9 100 1 2 3 4 5 6 7 8 9

作拄杖則背不觸不背道道看雪云且喜在弟子手裏師云意旨如何雪云撐天拄地師云珍重珍重師一日同御六張居士茶坐舉夢晤余翁士云和尚卽今是醒是夢師舉茶甌云者是夢不是夢士云不會師云不唯居士三世諸佛也如是

師一晚又與張居士同遊鳳棲嶺師指云象王峰頂好一輪月士云好一輪月師指殿云喚作余翁得麼士云得師云喚作山僧得麼士云得得師云旣得無外也士有省至茶坐師復問適來說話還有疑處麼士云自從得見同安後直至如今更不疑師休去

師一日與余公茶次師云近來大護法與昔日不同公云略知滋味師拈蜜薑云薑畢竟辣蜜畢竟甜公云也不敢妄生分別師休去

僧叅師問那裏戒僧云本是清淨衲子有什麼戒師云我問你是那裏戒僧云道過了也師云你莫作機鋒會麼僧云和尚還作機鋒會那師云不作機鋒會放你三十棒僧一喝師云喝作什麼僧云轉見不堪師云你者一喝未有主在僧復喝師連棒打云噇酒糟漢

僧叅師問那裏來僧云下路師云還在什麼處住腳

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

僧云到處隨喜師云選佛場爲什麼不到僧一喝師云落在什麼處僧云遍大地師云放你三十棒僧云某甲過在什麼處師云無你措足處

問上座甚處來僧云洞山師云者裏相去多少僧云無別師云旣無別來作什麼僧無語師云虛生浪死漢

僧問臨濟三玄三要一齊殞亡還通得消息麼師打云百里聽蚊聲僧無語師云著什死來由

僧問招賢橋渡盡往來人因什麼自度不得師云從來沒肚腸

師一日方伯余公茶次公云弟子曾問寶峰山子大師擊鼓上堂當爲何事山云負命者上鉤弟子云四大本空五蘊非有鉤向甚處釣山云墮也弟子一笑云草賊大敗山無語今請和尚代一語圓成前話師云若恁麼正好榜頭一棒公欣然云果然臨濟道出常情師云此語亦不受

問御六居士近看什麼內典士云雲棲淨土集師云古人念佛一聲漱口三日是何意吉士云家無二主師與余公笑云可謂得淨土旨矣

建昌贊府許公茶次師問大護法於治政之外曾將

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

已分事究竟否士云不知師云王法佛法同一體也復以裴休見黃檗公案示之士云只是不知根本師云大護法從貴省現大人相到者裏爲國爲民豈不是根本士云不識師云不識最親切士欣然

僧送放光石師指云者是我川中的你甚處得來僧云信手拈著師云因甚在山僧手裏僧無語師云美則美只是不放光僧云正好放光師云光響

僧叅師云速道僧云不敢道師云爲甚不道僧以臥具打○相師以手作拂勢僧便喝師云者一喝未有主在僧擬議師直打出

一日問侍者牛過窓櫺話四蹄俱過爲甚尾巴過不得者云毫厘有差天地懸隔師云那裏是差處者因措復問傍僧你作麼生僧云只因腳下紅線未斷師云前有僧恁麼道被山僧打出去僧面赤師云總未在

僧叅那裏來僧云廬山開先師拈杖云開先還有者個麼僧云有師云旣有到者裏作什麼僧無語師便打

僧叅師問云禪師從川中來麼僧云是師云曾見幾員知識僧云昭覺雙桂師云雙桂破兄有多少法嗣

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

僧云八十七人師云你第幾僧云不在數師云相聞  
都是喫酒肉底是否云是師云還有不喫者麼僧云  
都喫師云你喫麼僧云喫師云因什又道不在數僧  
無語師云擦虛漢

僧叅師問一向那裏住僧云崆峒師云崆峒爲你說  
什麼僧云庭前柏樹子師云是何消息僧無語師云  
好株庭栢折倒了也便打

又問傍僧上座那裏來僧云黃檗師云何往僧云隨  
方去師云亂走作什麼僧云處處稱尊師云見個甚  
麼便恁麼道僧云請師高著眼師云未在僧喝師便

打至晚茶次師云上午一喝山僧未肯在僧云明眼  
難瞞師云古人一喝具三玄三要你作麼生會僧面  
赤師向侍者云者僧未夢見在掇去果棹

僧送高峰錄師問者老漢上座在那裏叅見他僧云  
無處不見師云背後底聾僧無語師打云擦虛漢

僧叅師云那裏住僧云獨丘師云因甚不在彼住僧  
云某甲不知安身立命處師云卽今在什麼處僧便  
作禮云會也會也師云作麼會僧擬議師打云無主  
孤魂

僧問如何是常住真性師云山僧者裏無者閑家具

僧云不會師云你問常住真性那僧無語師云出去  
問僧死生到來如何抵敵僧喝師云畢竟如何僧云  
敵他作麼師打云虛生浪死漢

僧問如何是和尚本來面目師云鼻孔搭上唇僧湧  
躍禮拜師云你見個什麼便禮拜僧作打勢師云莫  
亂做出去

僧叅請問和尚如何是古佛師云過去久矣僧云呆  
日當天紅焰暖不須彈指到家中師云閒言語

問僧那裏來僧云寶峰師云來時馬大師向你道甚  
麼僧云道佛法師云趙州道佛之一字吾不喜聞你

作麼生僧擬議師打云妄語漢喝出

僧叅師問那裏來僧云洞山師豎拂子云洞山還有  
者個麼僧擬議師顧侍者云此僧未是那裏來與我  
推出去者纔推師便打者云爲什麼打某甲師云盜  
牛者去扳椿者承

僧叅師問甚處來僧云百丈師云近聞百丈和尚五  
旬是否僧云是師云大雄峰將什麼與他慶誕僧云  
千峰下拜師云因什麼釋迦峰不點頭僧擬議師云  
蝦蟆禪出去

僧叅不作禮師云莫禮莫禮僧擬作禮師打云執癡

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

漢出去

僧問如何是和尚家風師打云菜根香飽無餘事拄杖當堂斷是非僧云如何是常住真性師復卓杖云會麼僧云不會師云兩問俱失

法華印禪師語錄卷第七

七

法華印禪師語錄卷第八

嗣法門人性圓旋幾旋哲旋賢等編次  
書

復眉居宋侍御

居士來諭云亟求開示見我本來此語是權耶實耶想居士以末季庸流之爲愍念故乃舉此語耳果然如是貧道曾記得雪巖問高峰云日間浩浩時作得主麼峰云作得巖云有夢有想時作得主麼峰云作得巖云正睡著時無夢無想無見無聞主人公畢竟在什麼處峰於此不會若是轉問貧道無夢想見聞

60 1 2 3 4 5 6 7 8 9 70 1 2 3 4 5 6 7 8 9

時主人公在什麼處只向道鼻息大如雷天明不覺曉居士於此營地翻身徹見本來眉目不妨向塵勞堆裏指引逃人冠冕場中點開正眼何藉一瓢一杖埋沒於雲山煙水間也謹復不盡

復蕭大有居士

疇昔之日接居士手教中言非不知卽心卽佛云云卽心卽佛昔馬大師接人令人剗盡道理法執相忘方脫盡汗衫全體獨露今時學道人多向意識中卜度所以宿習旋滅旋生居士若明此事不須別求旨訣祇要把玄妙知見去得乾淨之乎者也去得乾淨

只將一個話頭於二六時中挨拶不去必要挨拶發不得疑必要發疑然後到水窮山盡地步忽撞著無面目主人方得呵呵大笑云元來鼻頭下垂眉橫眼上到那時方見貧道只是者個模樣并馬師卽心卽佛非心非佛亦了然也居士當罷勉之復謝

復汝鍾閔老居士

暇與二三子趺坐道及居士賢喬梓久爲法門金湯正讚服間忽翰下捧讀如雲佈中天都在覆蔭之下可見聲同耳門氣同鼻孔皆從無意而意到也承云每念大力開山先師一席儼然未散至渴勝汗下之

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

語是大居士不忘先師南浦道中說法之時視與越  
山爲不別矣然貧道鄙人也終日抱守孤峰目际雲  
漢不能爲此山作一事又不能爲先師接一人有居  
山之名而無居山之實雖賴護獎不知將來得不幸  
負否準擬旋山奉迎兩相傾倒忝在同門諒不我卻  
是復

謝文宗博庵黎居士撰十方碑文

昨晚舟中得大護法所撰龍門碑文挑燈三讀真百  
世祖席之鐵案不特爲龍門十方遠計亦更爲發起  
雲居寶峰兩刹之淵源非大護法如椽之筆曷能如  
斯也贈大雲詩可謂絕暢非爲山僧牀頭榔櫟亦是  
大護法殺活縱奪之機此子得之一生受用舟中搖  
蕩暫復不盡并謝

又

客歲趨謁祇聆大教卽知居士不獨覲破孔老面目  
而達磨直指之意亦有超越處矣貧道叨嗣祖位道  
德荒疎宜雲壑中棲耕博飯不敢效諸方是非隊裏  
接物利生望光密覆令湖海叅歸是大護法不忘懸  
記共開選佛之場也伏惟慈照不宣

謝渭綸屠翁邑主立僧戶

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

承立僧戶貧道歸山不啻祖庭感賴抑且僧俗兩分  
非大護法垂手叅贊何以得機緣湊合之於此雖叨  
馬祖之靈實賴大護法之力也然今莊泣於堂堂萬  
民之上巍巍靖邑之中萬機頓赴而不撓其神千難  
殊對而不干其慮非得杏壇之真趣靈山之宗猷安  
能如斯耶適聞大護法已旋貴治敬遣二侍者代候  
并呈歸戶四柱冊一本乞印照歸戶一案況此案亦  
當大護法之主宰亦是極美一事如力行卽感聲無  
盡方外之交甚釋道懷耳欽謝

答孝廉晉公閔居士

山中寂寞兀坐懸巖目視雲霄神情虛濶接教細讀  
末法中得居士深於宗門用心可謂有力之士不然  
何能全身擔荷來諭云日在寶雲閔宗鏡諸錄心中  
稍有明亮如人在蘆溝望皇殿只見紅與金色日光  
映成一片至其中千門萬戶不敢自欺此是真實譬  
喻居士於諸經錄中得見此段境界山僧實未曾見  
但見古人有云我幾十年看經教是運糞出諸人看  
的是運糞入如古人受用只要剗得乾乾淨淨居士  
雖看起許多物事涌在虛空不過喻言而已胸中必  
無是物所以山僧常示衆云諸仁者到者裏來了明

大事要將從前記的三教九流諸子百家吐得盡盡無餘方與越山相見設若不然也須吐卻始得此是山僧垂語昔有僧問古德曰學人不識佛乞師指示德云我言恐你不信僧曰和尚垂言焉敢不信德曰卽你便是僧曰如何保任德曰一翳在眼空花亂墜後有尊宿判云古德答此僧所問如百二十斤重擔此僧一肩荷負驕直便去更不回頭可謂有力者也居士在越山一言之下擔荷佛祖慧命亦可謂是有力之士也直復不宣

復管翁舒居士

未出匡廬已知居士才傾蘇黃詞壓班馬虛心內典存誠外護貧道欲見無由馳神久矣何幸囊辱魚箋嘉譽過當意居士悞信虛聲儻入山親見只相視一笑耳卽龍門請言一案昔年棄雲居登越嶺已向無煙火處把茅蓋頭不蓄一粒米不栽一莖菜以塞饑瘡詎知居士及諸大護法并諸山耆宿本寺衆僧三請貧道入院原爲復理祖席其餘田山瑣瑣悉是第二頭非今之急務也所謂急務者人心匪古世道滔滔不於砥柱中救人心術而營營他求者豈真爲生歟者所爲耶此復

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

## 與仲遷葉文學

正月賀新禪人持居士後來一書雖未得此事清楚  
實有進步穩當非摹寫得的貧道隨讀隨喜與牧座  
元相視笑云待他面來貧道再與一授始不負幾回  
曲引也牧云和尚賣弄不少待他作麼卽揮案一下  
便行貧道視侍者云不將漁父引怎得見波濤一并  
書上居士勿以半塗坐住必要到家方是自由處何  
如

## 與方伯斗所余護法

山僧自行道二十年來每晤宰官居士畱心於法門

中者頗多而耑求立證者初見有博庵雪堂二居士  
也今覩大護法秉心堅固問道真誠一聞舉揚便信  
知有此段大事直下生疑卽欲立證佛祖頂額不求  
伴侶如此學般若之勇猛則不異於古人之勇猛也  
然佛祖大道本無言說不立功勳貴乎直下承當不  
容絲毫擬議若有絲毫擬議與道相殊故曰人人本  
具個個不無皆因妄想執著不能現前以致沉滯輪  
迴迷淪三界故山僧初於法雲律堂一會輒知大護  
法乃祖願重來終不以有爲功行住腳所以山僧觀  
面提持發明生死大事亟欲以言下知歸一了百當

60 1 2 3 4 5 6 7 8 9 70 1 2 3 4 5 6 7 8 9

直不得已曲引正睡著話頭作一敲門瓦礫大護法亦便穩於胸中力有朝參暮請之決志也雖然若向百尺竿頭進步鋒鎗矢上加尖朝夕不相離閒忙打不失單提一念直到水窮山盡無下手處方可如老子墮地頓息塵情得大慶快親證佛祖頸別無伴侶此卽不惟出一頭地且續傳燈於萬古自可期矣是以山僧先將三代祖像拄杖一條授與大護法懸記末後因緣始不負龐老之遺風靈山之骨肉也近有新得幸通一一以慰道懷北望五雲臨池翹首

又

蒙賜鐘資感佩不盡然此段公案幽明兩利頓證圓通永鎮祖庭之物也中興碑記詞章簡備字句精妍真乃佛心祖意不惟起祖庭之湮沒而且有深惜天下黎民之重困切切也將來謀石與博翁之記並刻以垂萬古不朽之案也謝謝

又

承貴役遠送碑石座不到山僧詢得來路甚遠且無損壞及細觀文色光潤其體堅固山僧不覺眉尖鼓舞可以傳二大手筆也此不惟祖庭增輝誠千萬古不磨之蹟若非大護法全體妙用安能成就其速乎

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

不盡餘情謹此附謝

又

昨領盛饌至今齒頰猶津也但座中承問女子出定公案一衆知識舉皆默然者何也正是滿盤托出大用全彰故山僧又恐大護法全在定中著腳不得本分相應故返問一動一靜是出耶是入耶若向此中見得則知釋迦老子文殊罔明皆弄精魂舉該喫棒然雖如是也要重徵不妨將昨日問頭今朝還我

又

出定公案答以白箋機用甚是但不知尊意落處還

作甚麼邊會若作有言點畫未見若作無言白紙猶存有無不作終難決斷故山僧卽碎其箋請大護法再向其中下一轉語

又

向讀來教知大護法造道精勤已到活潑灑地物物頭頭舉皆是道不被事之所轉但不被事之所轉有道可道猶未是大解脫的境界要到自如如地物物頭頭舉非是道不被理之所轉若不被理之所轉而無道可道亦非大解脫境界然大解脫境界言語形容不到師資受授不能只貴自家親證不落規模如

60 1 2 3 4 5 6 7 8 9 70 1 2 3 4 5 6 7 8 9

人飲水冷暖自知古云毫釐有差天地懸隔矣餘不盡筆諒之諒之

又

近來法門當盛魔異多端聞大護法見道親切作用愈奇誠言道無難易總在當人擔荷爲重嘗聞弘道爲難非難也護法爲難非難也然得正知見具擇法眼分皂白識是非誠爲難也如大護法初未明佛法之時能信然叅究及至已明之後又能確爾行持砥柱法門搖掇不動不被他人籠罩不肯自己瞞頂不可以忪閒爲隔直得透頂窮源深入闡奧卽無盡大年

輩又何獨善其聲哉然以此觀大護法亦可謂難行能行若體若用若放若收舉皆兼得之矣欽服欽服今因薰風南來涼生鳳嶺特脩尺素問候起居伏翼順時自玉

與制臺玉翁張護法

前法雲寓杖蒙大護法下顧津津隆施疊疊惟恃福果所歸不敢曉曉言謝也別歸鳳嶺而神情無時不馳况炎威正熾恨不能常依檀樾大樹而分餘蔭耳蒙垂扁額已挂中堂華嚴經十五啓諷此不惟林泉增色祖刹重輝卽福果所歸亦可以恩覃九有矣儻

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

非釣座作佛祖金湯羣生庇蔭安可得哉驅穎遣人代躬鳴謝臨楮翹首

### 與糧憲允升程護法

久慕高聲未遑接教前一識荆恍如舊契詢非過量人不能以一莖草建立梵刹將世諦而爲佛法就宦海以作金湯得如是一段孤高自不被物累之所牽制矣然大護法素窮聖道自與佛道相應不妨更向紅塵堆裏別出一頭則自然頭頭合轍物物同源便與蘇黃續其舊案也嘗聞好善者不棄于芻蕘樂成者能加功于終箕山僧故敢走筆伏惟大護法向日

用中究竟何物果然親見一回卽是塵寰中別出一路也承惠所修藏閣今擇八月朔三上梁望賜尊銜登上俾得垂鎮萬古又本月望日已啓華嚴法寶仗佛力而竚見玉燕投懷崇高爵位謹此奉聞乞爲垂鑑

### 與文宗印周王護法

同安殿堂少叨就緒初擬方丈猶隱荆棘叢中卽若銅鉈之于荒草忽蒙大護法垂惠一旦鼎新不惟山葉相傳名爲法窟此段因緣謂非千秋不朽之公案

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

平向聞大駕高遷故山僧特走灌城以作陽關話會

不期值公冗謁臨未敢頻聆咳唾又且山中修造催忙不能久居客舍以致匆別歸山未得候送于南浦也又前聞法施肯降鳳棲增輝泉石今特遣侍者奉迎萬惟撥冗拱俟不宣

與靖安邑侯陳護法

大護法陽春布德民賡袞襦之歌山僧雖處鳳棲僻谷遠承樾蔭久矣欲走雙溪竊領唾咳奈時當聖制不能造謁琴堂歉也何甚茲啓有貴治龍門寺山僧開法有年有數畝山糧爲資僧恒產因圓頂方袍不

便公門出入故有僧戶之立承前任屠公倡之于先牛公繼之于後法門金湯永垂不朽近聞大護法軫念窮黎不均之嘆慨然平圖此種功德萬民感誦龍門僧戶想自固圉不令四海禪流違公混俗禪席藉振國賦可足是所望耳伏望畱神餘容再布

與少宰雪堂熊居士

山僧幾番策杖南州眠雲飲月侶鳳儔麟若干同安無深補浴獨大護法有格外之提撕向先師塔銘中極力揄揚今古賴以不朽斯一奇也蒲月入省又得盤桓從上佛祖未了公案擔荷傳燈于千古斯再奇

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

也同安鼎建大殿實出意外余翁發心尤仗弘文接引忽然頓破無相三昧此亦罕覲之緣斯二奇也是三奇非昔靈山付囑不能爲之倡更非破慳囊者不能爲之和不惟山僧得申出世之懷卽後代之瞻仰者如穆清風矣承賜厚睠雖已拜登感愧交集同安大殿中秋後一日豎柱十八日上梁特遣侍者恭迎大駕相約方伯余翁諸位上憲同降鳳棲則士面彌陀重添金色也恭候不宣

與文宗博菴黎居士

素荷格外垂青真我法門中了元坡翁一派兼承

屢畱心於上藍祖席知山僧馬師脚下兒孫當奉命  
唯唯愧山僧道德荒疎難以入塵垂手矧江右之名  
藍惟此一刹爲最又蒙張制臺護法煥然一新必將  
來之知識有在山僧未了之案不覺機緣時至偶值余公儻有  
鼎建同安之命此非大護法平日久相讚助奚能有  
斯之奇遇也大殿擬本月望日上梁特請文輿入山  
盟證則山靈增色雲水騰懽望杏瞻蒲掃榻以俟

又

春承德飽牛屋齒頰至今猶香也謝謝別時正當公

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

冗未敢罄露心悰山僧原出龍門入鳳嶺欲爲先師  
雪屈大轉法輪見其階級成坎坷法堂爲草莽自愧  
才疎行薄不能廣結法緣止擬一瓶一鉢坐草眠雲  
以度餘生之日夕耳不期前歲杖抵灌城祖光忽現  
得方伯余翁與法相契鍼芥投機慨有復興之念續  
得制臺張翁司馬熊翁一文接引故得遠近檀那都  
聲樂助業已殿室告成又得藏經垂鎮儘可聚衆安  
禪得無餘欠矣但思家有遺譜國有傳文無是則不  
足以繼遠啓後茲同安祖庭乃廿五祖之遺蹟當斯  
百廢旣舉之時宜有中興碑文方能懸記末後是備

沼毛敢乞大方流布俾得佛日長輝名藍再振想大  
護法以佛祖爲心必不以金玉而斬筆也臨風翹企  
與給諫約生熊翁居士

向叨飛穎命主同安數載以來目視雲霄冰霜自守  
山僧每愧才疎行淺不能繼述先風援拔祖庭淹沒  
今幸方伯余翁與山僧有夙生契合發心捐俸起造  
大雄寶殿并諸堂閣稍以荆棘之場復爲龍象之地  
此非大護法首帥之名烏得有如是之機緣乎近聞  
門下樂隱林泉倦爲世法單于內典畱心是以山僧  
特遣侍者持箋請駕入山度歲不妨與西來祖結出

60 1 2 3 4 5 6 7 8 9 70 1 2 3 4 5 6 7 8 9

世之盟又是一番奇特也再求顥先師雲居塔院緣  
起待面詳白臨楮不勝掃室拱候

與旅菴曾居士

向入洪都深叨厚惠謝謝山僧自別歸山爲了雲水  
之債不暇隻字問安有疎道愛多矣值前薰風南來  
聞法體貴志未甚大寧山僧每于寤寐思維不遑安  
處但幸大護法嘗灸曹溪憨祖入道甚深必以煩惱  
場爲休歇處是非成壞皆能看破如幻縱使身有老  
病知必有安閒之法得無妨礙耳昔聞憨祖居諸阨  
難猶若尋常此蓋轉苦爲樂轉有爲無苦樂雙泯有

無不立誠謂住煩惱而不亂居禪定而不寂此非以  
大地爲身心三界爲解脫者耶今大護法誠能以病  
苦爲樂緣又以身心世界渾然一體則有進于先人  
遠矣今遣訊候台禧伏冀自玉

與埽庵譚先生

久聞門下法門砥柱象教金湯海內一麟古今之奇  
特也印恨緣疎未得親領大教嘗于龍門惆悵中忽  
得雪老人道行碑續得曹溪憨翁肉祖年譜沐誦之  
餘倍舒眉宇不啻唇吻荔枝親炙門下之左右耳且  
集成我祖法道更知尊見超庸赤身擔荷祖佛家私

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

若非天龍特降乘願而來何由得先祖之腹心行狀  
也時卽合爪朝南稱謝不盡印雖侍師有年根性微  
弱識見靡長數年間濫主宗門伴隨龍象自越山龍  
門同安各刹略擇祖父門庭未能大舒法約幾思買  
棹高門聽述先風聊增鈍置因建同安祖刹土木工  
興行裝不果今幸獅聲道兄來謁隨遣侍者持箋代  
候併附刻俚言伏冥垂青斧正率賓尊嚴臨風翹首

與御六張居士

章門一別忽見星週然山川雖異道契卽隣此心無  
時而不在浮雲落日間共相委悉誠謂千里同風真

俗不一也想居士邇來德業與日俱升浩氣必以彌  
天誠心定能貫日坐斷十方三際踏翻窠臼透脫羅  
籠隨方得妙任意優游放去收來無不合乎古人之  
途轍也但能向無凡聖處不善惡中豁開頂門正眼  
弘舒腦後眉紋將佛祖之真趣肯歸一齊仆落更有  
一番令人不可測度不可勝數之受用耳令親翁建立  
同安祖席擔荷佛祖慧命轉荆棘以作菩提灑醍  
醐而蘇枯槁不惟鳳棲土石得放光動地卽天下知  
識亦有吐舌驚懷此誠世出世間無不美奇特也昨  
聞法施南旋本應親瞻台祉又恐煩動興居是遣管

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

墨問安兼請車騎入山過夏商量祖父風規始不負  
昔入同安之室也掃庭以埃

請慧山元白尊宿歸寶峰

客歲冬曾奉一書想蒙披照寶峰雲居兩利已得其  
詳矣但寶峰方丈自吾兄去江南之後誠爲法堂前  
草深一丈弟每遠眺珠峰涌翠爭榮似有待其新令  
又兼江楚衲子靖邑檀那聞風望影如渴鹿覓瀛步  
之久矣望吾兄捧喝重振於泐潭照用覆彰於法座  
令合邑檀那合寺大衆護守祖庭之有功也臨楮神  
馳不勝翹企

又

寒梅綻玉枯木回春正老法兄和尚闡宗風之際開  
壽域之時某應親臨法座禮祝長年奈爲同安祖席  
業識縈纏力難從願今備微儀耑使代賀以表寸私  
容俟誕辰合自遙空稽首某乃法門鈍置有負先人  
若非法兄道德芳榮聲名洋溢不能起振先風規模  
後裔老人塔院二案功程尚未全完明夏二十週期  
煩仗錫降歐峰指點大成想以道統爲心不辭倦耳  
餘盡晦弟口宣臨楮不勝神馳

復慧峰山牧恆首座

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

讀來書并陞座法語知位任堂頭其宗旨猶有來矣  
然雲居先師一脈至我門庭孤峻非過量人不能肩  
荷汝能以一肩擔荷真不忘越山龍門一點血脉既  
爲一方瞻望宜道德成人祖令成物益宜空乏其身  
綱維梵刹始可以宗門光顯四衆雲來不負笑嚴纘  
續拈花之舊服憨翁繼承柳巷之單傳明月堂中彈  
古調始稱聲聲不墜空王殿裏傳知音方言曲曲轉  
新此是汝之應作亦是山僧眉下之所致望也珍重  
是復

與匡山獅聲大師

未接教時先請當事之目云我法門之波無甚大波  
也此是訛言終歸寢息及讀佳句云頓使癡頑陷此  
機令人深服其策然非大人先見萬不能符合至此  
矣鳳棲祖刹湮沒多秋今承合省宰官護法共展初  
心一旦捐金鼎復方得土一面彌陀灰頭羅漢煥然一  
新歷代祖師少伸悲屈此非老法兄智力遙加慈光  
遠庇何得有是速乎昨聞江陵遠行之速弟恨不能  
拜送江干冬日隆寒伏冀途中自玉

與紫竹林妙明和尚

相別愈久相隔益遙弟老法兄光明日照我土區區

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

千里在眉睫間矣每一念及能無悵然蒙愛不忘遠  
惠德音兼賜先師頂像俾得瓣香瞻禮儼然如在感  
謝感謝弟恨薄劣有愧先人塔上因緣與衆兄弟勉  
強數載尚未拮据今幸大護法余翁助其餘力儘冬  
或得告完但石工浩繁難爲收拾想老兄亦不無心  
處此矣弟因修葺祖庭日興夜寐搬運土木之勞沐  
雨櫛風無暫停息因是病中膏肓虛扁束手恨不負  
荆親聆慈誨今幸風便聊附寸衷代躬問訊竢明春  
大誕耑賀華筵幸惟慈照不宣

與聲隱和尚

久仰座下道風大振貌座之傍人天圍繞足見老人  
後昆稱兄獨步幾欲買棹走候稍伸渴懷因妄膺法  
席修復同安祖庭荆棘瓦礫之場多端累聚茲雖少  
有就緒猶多未竣之羈是以有懷而足不前也雲居  
老人之塔向蒙協力贊襄十有八九然尚未稱圓滿  
今必須二百餘金方可如意茲以慈誨二大師爲此  
來楚想老法兄追憶老人必須共出手眼使得早合  
其尖足見始終之誼矣便中附詢道履不贅

與超宗和尚

自壬寅春蒙法駕爲先老人塔事遠來足見水源木

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

本之思矣第同安一別六易星霜懷老法兄祇有神  
馳楚江耳幸今秋慈公到山得以細詢起居少舒渴  
懷且聞以萬松常住竟付高門自得退居靜室可謂  
有大作用矣況此時年高德長正好弘法利生與其  
屏息于深山何若闡宗風于五臺耳且此地原係老  
人先開之叢席豈忍其冰冷草深乎弟數年濫廁老  
人之門多受同安之苦今雖藉庇將及告成而尚未  
能全畢以致塔工未竣不及分身承老兄雅意諄諄  
愧難從命也若欲塔功圓滿煩望大力指揮匡襄結  
案語云九級浮屠必合其尖老兄又豈肯以末後一

著讓與他人乎餘衷不盡幸諒之

啓

請新任邑侯霍思李護法遊山

伏以天將良令帝命人龍善政剛敷歌袞之聲已徧  
雄才特用伐荆之譽先揚宓琴靜聽於嵒岫王鳥遠  
飛於郊外象龍俛仰雲水懽騰恭惟閣下有生柱石  
象教金湯名遊李杜之班學入蘇黃之列三台遠映  
陰陽燮理已司百里方從秉賦循良旣露公門若水  
唯觀鸞鳳之翔曠野如霜不見雞豚之擾四境如蔭  
拂翠兩岐麥蕙垂青風披玉尺以加隆月映冰壺而

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

〔撰述〕

〔清豐白鹿齋詩集卷之三〕

益暢切思政成化治必爲問俗觀風唯茲同安古刹  
 稽時開創唐朝歷代祖師以相傳合郡公侯而再建  
 屆茲春光明媚黃鸝鳴向鉢孟峰當斯日色和融白  
 鶴棲歸錫杖嶺印也世外愚僧山中幻質三際斷而  
 祇可供衲子之道僕五蘊空而不足爲學士之禪床  
 雅慕緇衣每思授繫於適館心懷明德恒竊飲醉於  
 內交敬挑野菜以當嘉殼敢煮洞泉而充美醞用扳  
 盛駕重賡解帶之機虔迓榮旌復聽秤僧之話俾草  
 木賴光而榮茂庶山川借色以光輝伏冀命駕于公  
 餘乞賜寵臨于何日平蹊俯竚炳燭瞻謹啓

請舊任邑侯馬護法遊山

伏以淳風旣播甘棠之蔽芾常青雅化高臻霜栢之  
 悠長耐操旌旗遄行於幽谷益切欽衷餘光過照於  
 遐陬倍叨盛庇恭惟臺下生民雅望名世高儀誠微  
 三異之奇歌至感二邦之愛頌推心赤子慈仁久布  
 於荒郊加意青衿文彩廣留於花縣桑麻遍野允稱  
 杜父之雲仍桃李成蹊信譽岑君之風韻威鳳屆栖  
 於貳棘驪龍偶借於滄江預卜豸史屏開佇看烏臺  
 日轉衲荒郊薄德未法微流頻蒙護法之干城每荷  
 回春之玉律知酬有自望駕無從是蔡某日敬潔薄

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

撰述

法華白福音詩卷八

蔬少伸不腆顧茲器之寡非報一天之虔自忘飲食之微欲覩浚明之範伏冀少舒尊重初遊鳳嶺以無辭特賜寵臨卽踏佛峰而弗倦俾依台側而賡解懼之章叨立下風以貢昇平之兆掃逕焚香瞻焉鳴埃僧等不勝忭忻之至

請糧廳許護法

恭惟臺下天榜題名朕宮擇牧自富五車於學海人歌萬丈於文峰先翥蓬蒿知是搏鵬而示鶻旨柄荆棘識爲威鳳以指鵠弼憲才獻大經綸於國裕司儲德政懋會計於持衡上應天倉下裨地部聲傳蓮社

澤及文林持國典以聽載功勲執燈傳而埃徼名姓計期豸史指日烏臺印鳳嶺微軀獅峰末品寡識生前著子徒輕今世門頭意望高賢把臂談心消永日誠思達士指空畫月作禪宗由是特採山芹用烹嵒水淨掃有痕之古路潔拭無染之案臺謹卜某日之佳辰虔迓命來之盛駕伏冀統同新令福星一路以迂臨會集舊侯多士同時而出震庶僧聆教尤得萃拔夫山林俾佛瞻光益得類出乎僧相雲水翹瞻無任瞻仰

補祝方伯李護法

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

伏以涵養蒼生應是靈山有願光騰萬里定因帝闕  
流恩德許頻依心容再借恭惟護法儲精紫閣毓秀  
洪都拯淪溺於僧門届今天開壽域救瘡痍於民體  
時當神祚福疆野老歡謳華封快祝寒巖僻谷盡逢  
和煦之光塞北江南總賴氤氳之氣樂收桃核來譖  
大椿之年喜貢霞盃往唱冥靈之歲印乃宗門鈍置  
慧種蕉芽濫維祖席糞箕敢效龍牌焚祝鉢囊懸磬  
無效殷勤少備芹儀聊申曝敬萬冥麾存足施光寵

復衆鄉紳護法

伏以東山日麗孤光皎潔映修江南國風清古氣優

游騰鳳嶺名寄千秋之外真俗咸歡心存兩間之中  
高低竝美園林傲骨泉石馳神野鶴知歸山鷄解舞  
恭唯衆大護法閣下朝廷榜樣社稷規模遙瞻氣概  
若彌天直覩精誠如貫日嘗掛金條輝里巷大啓家  
重輕寶鏡高懸識世人之憂戚文光遠引信哉世外  
階梯翰墨遙頒允矣塵中號令雲水欽崇象龍俛仰  
某也僧中鈍置法內遺流自慚薄德不守山林自愧  
緣疎難圓梵宇寧甘險隘遠從浪裏浮沉寧受辛酸  
固向塵中奔走都城雖有住處就裏還同無住之時

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

旅底雖無歸思個中已定有歸之日偶得瑤函展讀  
意欲拽杖快行無奈春景迷途敢待秋風薦爽回南  
促膝藉明月以致謝尊前望北談空假寒霜而曲躬  
座側先對來者略附報章伏冀照原無滋遠慮

復孝廉文學

恭惟臺下廟廊儲幹社稷英材待時爲盛世經綸指  
日作中流柱石身居學海猶存偏愛於僧門志決文  
林尚布餘光於法社筆花與山花齊爍佛祖增光劍  
氣等雲氣同生象龍啓色護叢林如眼日泉石驩騰  
保僧衆若身心雲流會合頌緇衣而時宜梓里披彩

服以日映楓宸金玉聲高璇璣韻美鄉隣注念遐邇  
知歸山僧法門樗櫟蓮社愚頑不能耐守山林妄欲  
奔波城市泥沾杖鉢真爲識者所嘲穢染袈裟更被  
愚人所笑忽接高賢華札讀之卽欲南行奈因金佛  
工殘思之不能北脫只得先遣來人復命預上報章  
以便秋後野衲還山恭宣謝忱同安祖席煩賴維持  
始終樂有恃怙清化禪林自能解脫首尾不致奄留  
遙對修江可勝翹企

告錄卷第八

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

法璽印禪師語錄卷第九

嗣法門人性圓旋機旋哲旋賢等編次

真讚

觀音大士全身心經

八萬四千毛孔孔孔流出波羅密門三百六十骨節  
節節皆具金剛正眼我聞悲智未發生如月行空無  
淨穢通身羅列雁行斜一畫一毫真教體衆生迷妄  
有遲速菩薩圓通終不二四威儀內妙莊嚴一絲一  
縷勝三昧我今稽首願無畏一切佛事永成就

大士雲中騎獸

王霄寰居士請

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

衣衫黼黻髮鬢蓬鬆乘雲駕霧馭獸騰空童子鸚哥  
俛仰淨瓶楊柳隨從心每普週法界身常陟降穹窿  
離去洛伽界內不居紫竹林中示現人間天上闡揚  
法爾神通猗歟大士太殺形容若逢識者笑爾顛風  
魚籃觀音

大士忼忼應現無方洒行肉市真圓道場淨瓶倒瀉  
白玉毫光乘斯光者卽證真常更有一般奇特處惹  
得魚兒跳上筐

蒲團兀坐乍放癡愁胸中若有思救世更多般不如  
稱時歸海上青蘿一幅覆花冠

稜稜怪石蓮花捧足手抱孩兒眼睛突出明月當空  
絕纖翳翠竹清風彈一曲都盧一味賣風流個中一  
點全體露

贏得山中覶兀坐笑微微不去魚行肉市誰憐竹翠  
鸚肥甘露水常滿母陀羅臂洩天機善財侍巾瓶踏  
破煙霞捧落暉人間那識山家趣別有清風兩鬢飛

三大士出山像

隱晶知客請

三個老古錐何不歸山去縱有婆子心未免墮思慮  
快快聽我言切莫久蹲踞婆婆世界人個個知落處  
坐臥與打眠不偏亦不易你若再癡心法中總不恕

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

提述

### 三十痛棒頭莫道無毀譽

又

者三老也甚奇居山一般頭腦出世各樣行持有教人從耳根而圓通全提有教人從差別而大智可期有教人從根本萬行同歸輔法化興雲布雨度衆生隨高就低欲問道場何處五臺南海峨嵋

羅漢

老老大大古古怪怪萬仞峰前兀然自在阿翁名姓不知誰忘却身心與世界

又

懸壁下打坐片石上施爲合掌無容放下啓目實難收回微笑露頭面袈裟半掩圍者個不本分的阿師在者裏成羣作隊好與一頓痛棒趁去天台免得你弄鬼捏怪咄是何言耶

金剛經塔

竹浪禪人請

文足頂字滿盤銀釣鐵畫著眼看有妙有玄心鏡闍無縫無罅露光寒七層險級藏身易四相空時下手難者軸箋奇特煞一理明明分二法若還號曰金剛經却又安名設利塔罷侗安排疑悞人畢竟如何方得恰試問觀音下一言展開竹浪通身匝

初祖達磨

者凍奴齒疎臉黑目凸耳長西竺愁眉航海泛東乾  
屈氣遇梁王暗度秋江歸少室九年冷坐絕商量不  
是雪庭斷臂幾乎家喪人亾咄雖是一花香滿地爭  
免砒霜毒大唐

又

梁王不契折蘆自適拄杖倒拈問著劈脊嘆只段風  
流那個識

番人穿珠襖文字從教掃折伏邪宗歸正宗明辨世

珠非法寶梁王問道重如輕二祖安心是多少玉葉  
流芳誑嚇人隻履鹵歸新羅鵠者般醜態似譖謔珍  
重時人莫草草

中興曹溪國師憨山師翁

同安兩序請

我師翁世稀有豎拂子於皇宮膺帝王之勅綏建法  
幢於曹溪爲衆生之引誘開爐鞴燄煉四海聖凡掌權  
柄勘驗人天賢否請教卽從始至終傾懸河之口問  
宗卽拔楔抽釘具惡辣之手論道德如高如厚觀學  
識若山若斗心空及第則雲去水來無不翕受唇吻  
珠璣則文臣武士俱親左右動容貌猶麟趾呈祥出

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

辭氣如獅王作咲有時披御服顯法道之尊榮有時  
著垢衣揚佛祖之家醜象龍親炙而自西自東狐狸  
聞風而南奔北走宗風嗣續笑巖翁家當流傳傘居  
叟同安不肖孫極言讚莫能窮只得虎拜稽首

又

憨山和尚太殺無狀牢山觸怒天子曹溪撥轉向上  
始得宗門大振寰中兒孫個個如龍如象嗟惟有同  
安忤逆孫瞎卻師翁正法眼藏

雲居顥愚先師

同安兩序請

未中曹溪憨祖惡毒先受臺山印翁醋醬天台灰頭

土面盧阜愈見囊藏祝融峰下生灰幾回雙清機邊  
建立榜樣住青原回廬陵之米價主雲居轉月堂之  
山向倣中峰擬一葉之輕舟覓船子覩江上之蕩漾  
豎一拂弘宗於清涼天界末後竹林一喝驚殺諸方  
宗匠如是生平非臨濟三十世顥愚老漢那得脚下  
兒孫大法弘揚

又

可立禪師請

鬚髮如松面冷心熱坐斷葛藤豎脊如鐵拂子高懸  
其上烏藤不犯扭捏噫者段家私付與誰可立禪師  
親骨血

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

一標述

又 龍門兩序請

清音白神師譜錄卷八

五

心空四海眼益乾坤佛祖位中畱不住歟生浪裏任  
浮淪六十八歲受人天之供養三十餘載續將墜之  
宗門密持一拂兮雲水騰奔不棒不喝兮獅象頻蹲  
更有一種不負人德不肖難以述情且道如何是老  
人不負處一掌一握手

又 雲居塔院請

冰霜戒行雲鶴形踪立圓通之法派紹臨濟之正宗  
接王臣而不出方丈燬凡聖而不設紅爐擊全毒鼓  
拋栗棘蓬吞者皆喪聞者皆聾示寂震威一喝截斷

萬派泓淳法身寶塔永鎮歐峰大小阿師誰知者老  
漢暗藏春色明露秋風

又

厚重如山嚴冷似鐵提佛祖不露秋毫驗龍蛇慣多  
饒舌紹臨濟之門庭破魔王之窟穴毒手惟一雙捏  
人性命絕我昔曾遭惡辣鎌至今怨入骨髓徹六座  
東南大道場天界獲得一麟歇叮嚀切莫亂承當傘  
居要旨須辨别

題方伯余翁斗所護法像

留同安祖堂

此老形貌端莊就中德業難量爲朝廷之砥柱作佛

支那

云居塔院請

七

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

祖之金湯居敬行簡潔已如霜施仁發政視民如傷  
不用蒲鞭笞杖自然百姓綱常了生脫死而凡聖俱  
忘提宗唱道而體用雙彰掃卻者邊那畔直教個裏  
昂藏建叢林清已俸猶非牽強開善門訪知識別有  
所長任從打破諸方關鎖究竟難違鳳嶺封疆到如今  
只得把聲名於廟廊之上將全身於同安之堂噫  
嘻似者等不惟盟府載千秋勲績亦且傳燈有萬世  
揄揚

題谷暘笪居士像

者老孤卓卓的三十年來法戰寰中彈指之間直超

義諦脫卻無底躋輶兀坐青松怪石剩得餘情琴書  
分付兒童收拾真乃本色道人可謂卽世出世今日  
狹路相逢撞著同安鐵榔任你額上有睛到底也難  
迴避居家可爲萬代規模出世可作法門標致嘆誰  
知我臨濟門下也有者個居士

題牧公項居士像

瓶山有大士家住蠡湖東秉慧根而出宦海披法服  
以警焚籠煅紅爐之鈍鐵釣巨壑之鱗龍棒則聖凡  
齊喪喝則緇素俱鼙聲名惡辣捉塵談宗跨金明而  
荷斷橋之法脈起臨濟以效維摩之德風諸方費盡

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

長篇短什儒門欽慕讚莫能窮同安只道個秀州牧  
道者元來不外乎斯中

爲澄空闍黎題画

山中多隱亭樹下有画閣瀑布落千峰白雲起萬壑  
天涯水際寬日月虛空博萬象與森羅天然不造作  
途中跨馬醉仙翁儘眺家鄉都忘卻一段西來意現  
成不須取覓更卜度別有青峰插霄漢猶待飛來雲  
與鶴覓我畱題在上方展去收來莫錯過

題淨空禪宿

頂上坐蒲團於十字街頭濟物無論高下爲衆不計  
春秋末後高隱祇園一句彌陀盡收從前皮膚俱脫  
盡今日孤存紙上遊

題漏澤新元和尚像

個模樣孰爲尊神奇貌古意和溫拈椎豎拂明宗旨  
打鳳羅龍壯法門獨坐繩牀兮氣度存弘揚祖道兮  
作用惇萬丈懸崆兮一手捫千尺碧潭兮一口吞常  
拋金彈兮慣打鐵崑崙欲識宗風嗣續兮孔聞之子  
萬如孫

題敬泉李居士

粗浮易見細密難窮其性若雷霆其意若春風忘身如棄涕唾爲衆不誇已功有時一乘之上有時九流之中坐片石對琴鶴青松看飛雲伴落霞孤鴻夷者般行履好似沒規則的仙翁

題道育比丘尼像

婆子氣性似出格丈夫之類也難齊不喜梳妝穿繡服卻來披剃挂伽黎本無恩愛何勞斲少有情塵非正規雖如是漫思惟子母團圓共一儀一朝摩著嬾生鼻便是當季末山尼

題智徹比丘尼像

持戒似冰霜見性如秋月動靜四威儀世緣都休歇歇不歇有奇特或問祖意自齒來提起貫珠當頭截始信當年妙總尼如今復名尼智徹

題以忠徐居士小影

頂上紫霞冠身披片雲服著箇無底鞞握柄龜毛拂動止儼然唱道師細觀規模少拘束端端七尺軀落落有倦骨試問傍邊是阿誰渠道忠公老格局

題相吳郭居士像

者居士多古朴居塵離塵在俗出俗正衣冠而坐石臺斂神情而依空谷手內恒持蜜蠟珠無心常念彌

60 1 2 3 4 5 6 7 8 9 70 1 2 3 4 5 6 7 8 9

撰述

陀佛疎林夕照徑無苔瓦竈風吹茶易熟不涉春秋  
意自殊暗翻生死無拘束坐忘身世不知歸自有山  
童歌短曲問來由將何復太古遺風維摩後族

題凌子吳公

知此老本非常爲愛園林別廟廊萬疊峰巒雲外賞  
幾多經史腹中藏遠名利傲羲皇洗耳溪邊作報章  
自解難辭車馬客飄然物外坐高崗入我室坐吾牀  
猶將個事作商量有時覷破生前面不異張公入率  
堂

題曠翁吳居士

荷曹洞宗得臨濟句撥開玄要三關坐斷君臣五位  
不同俗子論真乘要與泥人談妙義較禪源龐陸堪  
侔觀學海歐蘇可列入那伽而天地渾忘頌圓通而  
正偏俱備如斯一段清高可謂卽世出世

自讚

方伯余公請

此老曹谿真孫傘居嫡子棄雲居如涕唾住越山若  
砒礮拈一枝拂向龍門院裏輕輕一拂只得海內魚  
鼈蝦蟇蚌蛤蛟蠻藏身處也沒有佛祖魔王大驚小  
怪似者等不本分的老東儂只好在偏方僻地坐斲  
天下人舌頭怎得同安高豎法幢掀開諸祖舊面還

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

撰述

卷一百一十五

上

有人識得麼咳西江獨許余方伯眉橫鼻直氣同垂

又眉劍首座請

者個磊苴鬚髮蓬鬆受宗鏡戒得雲居髓乞他談宗無外無裏請他言教沒函沒底禪也不參佛也不禮終日遊山窮年玩水不識時文未諳古史出入行藏絕無規矩如是行持不知羞恥問是阿誰喫憨山之孫傘居之子

又大雲西堂請

者漢灑灑落落飄飄蕩蕩請教截斷葛藤問宗勞脊便棒舉曹溪之宗獻提雲居之法網常常兀坐此石

處處道風孤廠別有一段精神喚作一條拄杖分付傳去西川永作佛祖榜樣

又楚庵西堂請

者漢生平多骨氣一身擔荷無欺敵放源歸海浪滔天寰中獨步而遊戲等閒道個赤鬚鬍三千七百南山刈打鳳羅龍老不休誑凡欺聖粗心極年來大座古同安脚下兒孫都波累楚鹵堂不波累一錠金還一錠金古今授受無窮已

又靈獻書記請

吾之之像真個古怪任是僧繇也描不得今日撞著

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

個同聲同氣的阿兒以須彌爲筆四海爲墨向虛空裏圖汚一上被老僧一喝殃及伊持去作宗門萬古之標格

又 海門侍者請

者川寮孤硬得好有時高高峰頂立却在十字街頭全身放倒有時淡淡海底行却在千峰頂上透露頭腦有時披赤絳而綱宗齊掌有時豎塵尾而佛魔俱掃縱奪殺活不容擬討設若額上有晴肘後有符的衲僧到來也難分他白皐到恁麼地非推倒巫山踏翻海島怎得爲人天之師宗門之寶

又 翁浪禪人請

者老禿愛孤獨眼裏無筋心中有毒爲俗要住城隍出家最喜山谷一味清高不求濁富提宗旨如臨濟德山續慧命于東土西竺離師早出世速動四海之長波揚五家之宗族常思未報佛祖恩只以先師期望一鹽晨昏一粥

又 慧然闍黎請

髮長不髡鬚莽不剃心毒砒礧身柔泥絮有時羣行置罋足恃有時燕坐綽綽無倚拄杖倒拈敲骨打髓其表如智其裏若愚如斯行藏恁麼舉止今朝舉似

慧然公遺笑千秋未必已咄

又

道隆禪人請

喫得十季苦佛祖也不讓毘盧頂上局蟬螟眼中放  
有時罵諸方有時揮鐵棒待伊眼空識得渠元來却  
是同安院裏沒肚腸的法璽和尚

又

普觀禪人請

者漢到處烘烘烈烈行坐規規矩矩逢人十分回互  
問法不容道理大似德山臨濟棒喝如電如雨喫著  
通身白汗流再見不須重豎指恁麼形狀正好貶到  
千佛寺裏鎮山門子子孫孫傳不已

又

一心禪人請

者禿翁沒道理手提白棒甚來由逢人敲骨并打髓  
只要賣自己的風流不管教壞了人家男女謾道是  
法中之王玉中之璽明哲到來恐爲所恥雖然志量  
寬弘未免人間嫌喜越山龍門兩道場傘居家風獨  
撐起同安赤手見中興毒鼓高撻聞者歎喫汝正是  
吾吾豈是汝不須三呼喚汝名無爲真佛在那裏聾  
形藏不與世相同盡日單提向上宗有問西來端的  
吉一枝白塵笑春風

又

元長侍者請

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

法聖印禪師語錄卷第九

法聖印禪師語錄卷第九

三

法聖印禪師語錄卷第十

嗣法門人性圓旋璣旋哲旋賢等編次

頌古

世尊初生

一出娘胎慌腳手忙  
將香壤指周全無端陸地波濤  
起惹得千秋禍業傳

夜覩明星

夜半山頭開得口早已失卻一雙睛桃源不如收拾  
去免得漁郎來問津

女子出定

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

欲出不能出出得亦非出岡明與文殊兩兩遭一跌  
百丈野狐

二首

不落與不昧一鼓兩頭擂收卻鼓樑子二人袖手退  
一昧一落一墮一脫者般話會一齊掃卻

國師塔樣

古塔呈君君不識全圖捧出龍睛失兒孫雖是覆重  
拈鄭虔依然難把筆

德山托鉢

等閒托出未聲前引起傍人論正偏不是他家賢父  
子幾乎百世把名淹

牛過窓櫺

頭過尾不過月繫蘿藤月落藤枯後目前絕疎親  
南泉斬猫

一治一亂自古相換拈起青霜是非已判曉若要家  
家歡鼓樂太平不出將軍斷

九峰丹青

堂堂誌公真阿誰寫得親僧繇卻能繪也是曲作伸  
鴻山牯牛

一國無兩主邦家始太平鴻山僧某甲錯會去安名  
芭蕉拄杖

一  
卷之三

江寧志稿卷二

二

有卽與無卽奪哀寡益多轉轉交錯撞著一個沒頭人笑得唇皮俱脫落

韶山是非

不到是非有句無秋江月落鴈歸蘆放開一線雖言  
有依舊佳人一個夫

大隨覆龜

皮裏骨骨裏皮眼珠換卻莫言迷草輶皮骨一齊泯  
卻被盲人返笑伊

定上座問臨濟話

傍觀者清上局者迷占得腹裏去了邊皮不是奕秋

回一著幾乎輸卻一盤棋

香巖上樹

二首

平田萬里沒遮攔須信壺中別有長若向樹頭去卜  
度黃連草內索甘糖

憲宗迎佛舍利

百辟皆賀覲而俱錯韓愈端立眼橫鼻直問道如何  
是佛光管教致得口門窄雖然陛下問分明依舊吾

乾屎橛

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

提述

雲門乾屎橛千古不曾缺拈出與當陽諸佛不能測

青州布衫

青州布衫子無外亦無裏一秤稱將來都是自家的  
付法偈三十二首

與雲陽迴波隆首座

雲居末後震威喝霹靂當陽那個知今日許君親吐  
舌從教頓起馬師機

與同安眉劍圓首座

吾佛傳來正法眼當季迦葉得親聞家私盡底重拈  
出今對人天付與君

與龍門慎獨幾首座

龍門一派曹溪水今古滔滔話不窮獨許慎公吸  
滴頓教陸地起飛龍

與慧峰牧恒依首座

明月堂中彈古調空王殿裏傳知音惟君記得吾宗  
旨赤手拈來印汝心

與獅峰生一真靜主

獨踞獅峰吞宇宙懸厓返擲展威風此回跳出金毛  
隊咷吼羣狐盡失踪

與大雲佛西堂

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

一喝家風振古今時人那個可傳心看來黃檗口中  
舌獨許雲公解縱擒

與靈獄賢侍者

臨濟一條榔榦棒殺活從來都不讓而今分付克家  
兒魔佛衆生俱膽喪

與楚庵哲西堂

佛祖傳來正法眼無端滅向瞎驢邊叮寧好去千峰  
外振起吾宗舊要玄

與劎門定監院

殺活一條生榔榦付與吾兒待時節橫拈倒用接群

英繼起先宗真骨血

與松固乘維那

馬師一喝吼如雷千古聞聲喪膽威獨許吾兒親徹  
骨一肩慧命付全提

與吼雲悟知浴

高高峰頂留不住海底深深縱步馳我祖門庭千古  
任主賓玄要在君持

與海門元侍者

三呼三應值生冤折盡烏藤不記年驀地一回開眼  
界海門深處釣金鯉臨濟命根元不斷一條紅線手

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

與入素白知藏

洛陽橋下放驢歸不負當年顯大機榔一棵一條傳慧命人天千古仰雄威

與芝庵信知藏

一喝兩喝三四喝振起家聲眉宇豁佛祖魔王喪膽魂白日青天星斗脫電掃雷轟已是遲神龍角虎都教奪如來慧命要人持分付吾兒一手掇

與孤明慧上座

棒開魔佛分賓主喝破虛空定要玄自此人天堆裏

去直教拄杖徧三千

與鏡林以維那

佛佛授受祖祖相傳黃檗三頓臨濟微猷唯有吾兒多迴別一椎擊落萬峰頭

與大拙慰維那

臨濟傳來生鐵棒三界郎當沒處放分付拙公親手持佛祖魔王俱膽喪

與鑑源知藏

達磨遺下一隻履直至而今提未起分付鑑公信腳穿從君倒走三千里三千里滄海濱踏到底

與巨濟源侍者

顥師會用一柄傘不論晴陰并早颶分付吾兒亦若持遮蓋人天無擇揀無擇揀萬象森羅齊具眼

與隱巖智知客

靈山拈出一枝花此日正當香得妙分付隱公代舉揚必要人天齊發笑齊發笑三脚驢兒滿地跳

與絕學侍者

學無學是真學絕往絕來箇箕木杓休言樣子不值錢要識其中金不博五車三藏本非真一念萬年猶是縛我祖西來口不開單將此事付無學

與裕芳維那

今古鳳樹選佛場中典玄要起聯芳烏藤直下親分付百萬人天任舉揚

與山雨恩上座

佛祖當年第一機拈花微笑待人知今朝舉似山雨去好向人天勘嫡兒勘嫡兒有威慈臨濟門庭從此振傘居風月代相持

與肯堂心知藏

桺巷程途過便休端州破衲不須留夜來明月堂前句獨許君家擅唱酬

與月江定上座

傘居風月徧江天歷盡春秋未許傳今日同安親舉出與君持去傲雲巔

與孝廉晉公閔居士別號治庵

烏藤七尺逞風流臨濟拈來解放收分付治公擔荷去好將佛祖結溪讐

與少宰雪堂熊居士

迦文大法付王臣歷代傳燈六十人珍重西江熊雪老好將臨濟令重新

與方伯斗所余居士

別號道庵

佛祖傳來正法眼至今大地莫能藏同安堂上重拈出付與余翁代舉揚

與御六張居士

傘居遺下破油靴三十年來不染沙今日同安親舉出御公穿去驗龍蛇

與兵憲旅菴曾居士

航海鹵來老達磨平將陸地起風波心空及第誰堪委獨許曾公到恁麼

與濟臨郡侯廖居士號柴坡

公堂舉掌勢難裁直下承當一笑回碓嘴生花香滿

院蝦蟆跨跳上三台

與別駕萊臣余居士

一枝白拂付萊公直下承當氣宇雄  
驗盡諸方猶不歇可稱獨步占寰中

囑密悟監院

相隨兩刹同甘苦十二春秋未變遷  
個事雖然瞞不得不如傳戒待龍天

囑聞旋侍者

記得南陽三喚意今朝特地囑吾見  
他季石馬回途後別有聲名天下知

囑斬山監院

三載披星何所事欲窮千里展眉愁直須踏斬雲  
山面始信江天共一秋

囑鏡初知客

曾作鴻山水枯牛耕翻大地未曾休而今吟得虛空  
碎好向深林臥碧秋

囑國一侍者出山

同安堂上獅兒跳出金毛隊裏一吼當陽震地天群  
狐驚得奔千里

囑松齡悅衆

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

佛頭峰上騎獅子馬祖堂前弄象王恁麼男兒行  
去歸來正好細商量

囑元長侍者歸匡山侍師

掀翻窠臼透羅籠送子歸山侍父翁直待獅峰重點  
首一聲吼出起宗風

囑旋珠熊二道人

天然婆子丈夫才無中有路出塵埃踢倒少林西祖  
意頭頭成現不須裁

囑靈機大德

十載殷勤護祖庭嚴霜烈日不相侵從今不改初心

地他日歸來付好音

囑龍門知客

昔日道人彌陀誦今朝知客誦彌陀直教誦得無生  
句始會將磚作鏡磨

囑龍門侍者

坐臥經行分付汝時時要識主人翁將來受用無他  
囑規矩不離二六中

囑龍門監院

山前一片閒田地分付吾曹騎水牛騎得牛兒步步  
實自然秋到有全收

60 1 2 3 4 5 6 7 8 9 70 1 2 3 4 5 6 7 8 9

囑龍門副寺

善法堂前柏樹子趙州拈處意浮沉若從枝上討消息早負當初一片心

囑趙共玉居士

歷代祖翁提向上兒孫盡被成虛誑而今珍重趙玉公切忌逢人莫錯唱

囑鼎生蔡居士

血心片片惟知已祖道殷勤過量人頓把修江爲玉帶鳳棲千古鎮常春

囑雲石俞居士

龐翁昔日追羣侶裴宰當年問聖僧從上諸君無底案分付俞公一手撐

囑子賢周居士

當年臨濟三遭棒今日拈來舉似君活捉生擒龍象聚紅塵堆裏著功勳

癸巳春受同安寓庸公請

刹竿欲復老煙霞扶起還須出大家珍重當季曾付託佛頭峰上一枝花

受龍門覺真化宇慧然請

不惜老年登越嶺爲懷祖席久虛沉者回揭出空王

印印破龍門一黠心

囑毓林義尼

威音那畔一着獨許林尼透脫驕然縱步這邊不負  
法門重託

示道睿知客

井井無窮道睿深滔滔寫出劫前音他年若得承源  
底與汝相將踏上林

示曇現禪人

春秋不落香盈地雨露無沾亦秀芽透得不萌枝上  
意始知處處現曇花

示智修禪人

春風正值拂春枝步徑臨川得意時識取智光原本  
具方知更不假修持

示高鑑禪人

野鴨翩翩飛過去鼻頭扭得痛相當若能腳下親高  
鑑哭笑方知自舉揚

示截流禪人

鎮海明珠光燦爛須知不向外邊求當頭一截根源  
斷修水文江總逆流

示東昇禪人居山

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

茅庵深隱煮砂鍋敎汝居山事若何就裏一枝無柄  
鑊祖翁田地要耕過

示大冶知衆

紅爐焰上雪花飛佛祖輸他一段機會得真金不博  
意任伊百擊有便宜

示六和悅衆

隨師秉拂度洪都末後牢關會也無若要老僧開示  
句秋風撥轉洞庭湖

示荷庵庫頭

草庵止宿是誰知山水相忘直不疑但看百花香笑

處綠楊依舊點牛蹄

示孤輝大德

一輪皎潔無伴普天匝地難藏不與萬法爲侶時時  
揭露常光

示明達殿主

日課兩堂常不絕香燈人境幾經年直待鼓槌拋却  
後許兒曲枕傷雲眠

示隱素大德

人皆不識我名我亦不知人姓隨山隨水安居自是  
一生孤硬

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

## 示晦機孫

八萬四千諸法門清淨毘尼爲第一開遮殺活是拈  
花切忌鉢盂重安柄珍重晦機賢長孫傘居門戶當  
承褫

## 示履素孫

維揚法窟九蓮開遠自台庵一脉來但望時時思祖  
德他年跨電識<sup>印</sup>才

## 示遠詣孫

遠溯曹溪月影深須知形跡不相侵但能親詣臺山  
路自有霞光燭汝心

## 示密清值歲

宗乘向上欲何通運水搬柴顯個中普請牌兒將掛  
出滿堂雲水笑相逢

## 示道安禪人

匾檻頭邊明個事腳跟翻轉舊家風超然一段天真  
趣正好扶筇侍老翁

## 又

目前百草祖師意屋後青松古佛心就裏明明無隔  
越何須更去覓知音

## 示道徹大德

至十全未舉拂晉問其中甘苦

祖述

法華經疏卷第十一

泥牛昨夜潛踪跡直至于今未舉鞭借問其中消息  
路大千沙界一同年

示自若大德

一片袈裟洗却後半肩雲水去還來莫道同安無新  
令鐵牛步步踏蒼苔

示玄生大德

依我龍門共鳳棲久遠身心實罕稀今日老人親囑  
累因緣祇待在歸時

示樂如禪人

禪人一見鳳棲老膽大心龐氣亦雄記得鈎頭無限

恨他年指點赤飛龍

示接代德音副寺

金剛般若自心彰法法頭頭佛道場日用但能如是  
住天然德業有威光

示接代若木書記

文章筆下自如事一貫吾門莫是麼書記祇須知接  
代一身及第兩登科

示接代慧明侍者

汝師持過淨瓶來應是非常濟世才此話不消多節  
目無陰陽地有花開

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

示翠巖侄

傎居有一無私句欲望吾兒代和音他日果然不負約同安堂上見新吟

示子玉禪人徧叅

蕩蕩春風徧界寒劫前無句可盤桓而今且向諸方去他日歸來倒刹竿

示啓愚廸叅頭

寶鏡堂開露祖機叅天翠柏總成詩當年趙老親拈出今日同安特舉之劫外靈根盤大地春前老幹枝清輝婆娑一段西來意付與人天作遠依

示道遠侍者行腳

但看溪邊桃與竹春風幾度迎新綠明明舉示遠禪人何必迢遙去追逐

示見誰禪人

記得當年入室時天公始涉不疑誰雖然猢器堪成用更覓貧人衣內珠

示證初大德

住山志氣要超羣鐵臂銅肩敵萬軍坐斷白雲頭自點方知佛是麻三劖

示覺定禪人受戒

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

標題

金禰應量親收得今日拈來舉似君珍時常記

取莫敎辜負嶺南雲

重遊越山示峰元禪人

昔年畱下破禰衫此日重披勘聖凡纔到祖堂鐘鼓震不須豎拂口喃喃

示佛珠戒子

戒珠光照三千界分付閻黎善護持不許囊藏與被蓋更須露出兩莖眉

示達性沙彌

沙彌初入鳳棲峰一見超然意氣濃若是吾家真種

草他年擔荷祖師宗

示不倚禪姪

霹靂光中顯祖威無毛鐵鵠頂門飛等閒覩破通天句紫竹心空及第歸

示歸源禪人

大地山河歸一鑑個中消息許誰通忽然觸著毫毛豎始信牀頭杖化龍

示公延禪姪

當季曾問齒來意直指雲中佛頂峰他日一聲高喚出心空及第振家風

支那

吉慶印書局

七

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

示湧輪禪人

黃梅夜半傳消息明月堂前續正宗今日拈來聊舉似莫教辜負鳳樹峰

示紫帛米頭

墜腰石跨跳鐵碓肯開花春熟籬中米自是有篩家

示日紅知殿出山

從容托鉢長街去米到廬陵價不違柳標高懸中有待天涯行盡莫忘歸

示慧照孫

處處青山呈舊面家家明月露新容果然得到個田

地堪作吾孫振濟宗

示應塘鄧居士餓經

性海華嚴末後句法王座上爲君明他年解得其中意管取毘盧頂上行

示幼全李居士餓經

不惜芒鞋來祖室當陽一句無端的要識華嚴劫外光九九從來八十一

示素白居士

馬師口似虛空大龐老女兒不娶嫁喫喜而今達道人還須痛快棒頭下

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

示堪輿斗南劉居士

溪山踏遍老歸心太極如如不用尋識得水窮山盡處釋迦峰上話知音

示君直居士

與君相對話真風覲面全提應不窮再得耳聾三日後白花影裏更添紅

示東泉黃居士

唇舌生鋒大有奇腳跟下事賴君知果然萬里無青草荆棘林中許自持

示龍江孫居士

秘旨高深未易推喜君玄要自堪期果能直下無差別臨濟宗綱待汝持

贈岱宗禪宿

放出鴻山水牯牛千峰萬壑盡良疇等閒不逐東西嶼鷺鼻牽歸臥碧秋

贈慈雲法姪歸楚

邵陵此去千餘里不著芒屨便到家記得龍門末後句當陽切忌向人誇

贈慈圓法姪歸楚

相逢難得投鍼芥鍼芥相投豈易遭珍重萬松林裏

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

去無風正好起波濤

贈西意和尚

坐斷雲山得自由侍師三十老春秋恩深相對難迴  
避倒卓翁頭報大讐

贈淨方和尚

湖北湖南道不孤風流賣盡老頑夫傘居一段陳公  
案每向人天驗釋儒

贈西生和尚

傘居密室多麟子獨許吾兄力荷先處處喜登獅子  
座廣長舌相續單傳

贈大觀禪師

雲居吸滴明湖水噴去能滋大地枯今得龍門覲面  
喝金波銀浪起江湖

贈入密浪法姪

釋老當年呈醜拙飲光密地賣風流君今已入南山  
室何事煙波不下鉤

贈山樗法姪

濟宗門戶孰能開須是獅兒出窟來哮吼一聲天外  
去從教大地絕狐猜

贈獅眼禪師

越嶺峰頭踢彩毬翻身白下幾經秋鳳棲一度重相見只爲當年陷虎禍

贈雲庵煥章禪人

拳室洞開日月芒撲踏破乾坤者般受用誰有獨許白雲共分

贈芥庵悟生禪人

芥納須彌不大毫吞巨海無餘個中機用誰得應是覺公遺居

贈久隱禪師

十二巫峰齊踏斷天童堂上芥鍼投得來一塵揮魔

佛鄉里同安見也愁

贈耀寰葉居士

認著本來原是佛還須更透祖師關果然覩破真眉目土塊石頭俱點顏

贈相中王居士

記得猫兒話有因一刀兩斷絕疎親趙州昔日來遲也畱與王公驗後人

寄超宗和尚

萬松衣鉢傳人去一杖迢迢入遠山兩眼不須空宇宙自然說法化塵寰

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

寄酬文宗博庵黎護法譏龍門十方碑文  
龍門碑記十方居選佛場開駿瞎驢杖峰頭懸慧  
日光輝祖席有題書

寄公弼余居士刻寶峰伊庵禪師語錄

隔山已得相逢句鐵馬嘶風處處聞扶起泐潭未了  
案傳燈何代不知君

寄孝廉白常熊居士

當年希運招裴相今日龍門醒白常不是一聲高喚  
出祖庭焉得復生光

祝爾絃王文學

時登花甲重開運古柏煙消色更鮮寶鏡池邊千葉  
柳拈來奉祝萬斯年

祝清泉元白尊宿

天童大法泐潭開一滴清泉徧界洞蕩漾鐵船風月  
秀千峰稽首到華臺

祝覺宗闍黎

鉢底清波泛大千西江個個頌耆天本來壽域無今  
古一任春秋體自然

祝冰鑑和尚

不記春秋弘祖道東乾西竺悉中行法幢重振龍蛇

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

撰述

河寶山房白香山集

三

動今古人天仰太平

祝徹庵道弟

不避寒暄扣祖帷  
傘居消息要深知而今鐵樹花枝綻好把無生咏紫芝

祝宜庵禪師

唐福山中弘大法栽松道者復重來古今面目難窺見獨許宜公善自裁

祝湛明禪友

繡谷風高香世界清心明月映雙溪都盧總是生前句信口吟來作壽題

祝戒如禪友

白雲深處青松寺不逐寒暄太古心分付華西三祝客無勞那畔乞威音

請凌白大師歸老人塔上

家聲遙振楚山虛滅却先師者瞎驢記得乳峰親切處倒騎獅子上雲居

爲余門性淳女開關

打開無縫黃金鎖八面玲瓏理事融更有一般超脫處晴天高捲玉簾櫳

詩

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

七言絕

山居

五首

一個茆庵一個僧住行鉢底米無升夜來撥出無煙火直教寒山烈焰騰

最喜家常無一物更淡夢得淨因窟人情不但是空華一切有爲如電拂  
住久淡山多寂寞全身坐斷白雲涯資生只倚黃鑿飯供客還將趙老茶

幾度傷思兩鬢霜懶將名利混諸方青山影裏尖頭屋火種刀耕道自香

折腳鎗兒爲活計鋤頭鋏子作生涯山前一片黃茆地翻轉春來好種麻

遊山

盤桓直上五峰頭曲徑寥寥古洞幽巖下啼猿聲細細不知埋沒幾春秋

又

踏遍峻嶒趣未窮雲生谷口帶微濃枯藤拄杖猶多健任轉千峰與萬峰

詠梅花

不畏嚴寒帶雪開枝枝綻玉破香腮春風何事傳山

下惹得騎驢客上來

喜雲曇禪宿復同安祖庭

悠悠古刹同安寺流落塵寰百八秋一點靈機埋不住輕輕點著卽回頭

經行

長空寥廓一孤僧夜夜峰頭月下行到水窮山盡處歸來打破煮雲鑄

夜坐望月

寒嵒深處月來遲兀坐危危意若癡偶見疎林通一隙移歸窓下讀殘詩

酬獅聲大師過訪

不棄虛堂意語投媿無一物可相酬家中幸有無煙火爛煮秋風供上流

伊菴古雪二禪師過訪

兀坐茆齋正寂寥苔淡誰唱白雲謠喜同品字煨香芋且向寒爐把火挑

輓石頭庵冲懷老宿

遙憶春光對坐時和聲共讀落花詩千紅萬紫歸何處畱得山山動遠思

贈退庵同參

記得茅堂曾與話青山綠水共扳機而今再得通消息萬象森羅聽指揮

又

龍門住處雖云遠修水同安路不多不祖堂前扶舊案大家齊步唱哩囉

示本幻侍者行腳

五載爐頭話正歡达輶又到腳跟寒寥寥此去無忘卻法乳溪邊度釣竿

春日坐小園偶成

春風拂盡老烟霞坐對青天喫苦茶識得東君言外

意牆頭初放一枝花

祝汝鐘閔居士

雲居一見已安心老大風流貫古今不一門開隨出入重重獅象壽儒林

弔匡山羅漢坪絲外大師

不見牀頭柳棵木惟餘崕上半間雲椎胸痛哭臨行句正眼圓明獨讓君

又

憶昔雲居同入室月明簾外解翻身而今鐵笛一聲去喚轉山河大地春

輓優曇師兄

同條生不同條歟始是吾門骨肉親今日相逢難見  
面邦江千古仰殷勤

弔汝鍾閔翁護法

有引

居士皈依先師顥老人承當個事每設壇禮圓通  
懺以報佛恩第山僧由越山龍門同安三刹皆賴  
身心護持前冬聞公僊逝卽欲赴弔奈因祖庭土  
木工羈迄今兩載方得臨柩特作俚言三首以竭  
道懷想公寂光中有以知我也

雄名已久播朱門德業文章萬古存怪殺西風攜袖

去徒遺書劖在乾坤

二十年來忝法交吾宗所繫謾言匏老瓠莫謂浮江  
漢更有新瓢托下梢

君脫衣冠乘化風我聞血淚浸虛空奠香不及依時  
候想必靈光鑒異同

咏雪獅子

蹲踞無畏吐寒光玉影孤踪孰敢當莫向臺山求大  
智尋常騎出有兒郎

春

澹雲靄靄動遊人多少花街興紫宸滿目春風闌不

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

撰述

住一枝點出故園春

夏

薰風一陣綠荷香驚醒漁郎午夢長喚起兒童烹苦  
茗閒來拽杖步陰涼

秋

雨滴梧桐聲颯颯風翻丹桂影層層夜深木枕涼無  
比留得陰樓待月登

冬

紙被圍牀深夜坐不知爐內火生煙饒他隔戶霜鐘  
報只是蒙頭熟打眠

五言律

雲居接給諫熊青翁居士

一入真如寺山林展笑容風生人面冷露結草頭濃  
去道吟秋月回途對遠峰孤身瓢笠客也得近高蹤  
訪伯彩袁居士書房

記得盤桓處依依若對容兩行疎影竹一帶密陰松  
坐石忘今世看雲話古宗懷君心意切持杖上孤峰  
禮東林遠祖塔

芳聲傳國外別業到于今寺老青松骨池寒白社心  
一輪峰頂瑩三笑虎溪淡不是回天力誰堪和祖音

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

撰述

清江集詩卷之二

三

# 詠金竹坪平頂松

傲盡風霜遠叢中獨占奇疎枝幽鳥託老態碧雲欺  
月孕苔痕古嵒吞鶴影凝濤聲潑在頂驚起臥龍知

# 遊越山

特出高霄漢羣山落下風洪峴肩可拍百丈氣原通  
夜月穿湖底曉雲起谷中空王居頂上八面自玲瓏

# 與管生舒翁居士遊雙林古寺偶韵

偶言東晉寺攜我過林中苔掩唐時路山藏宋日風  
堂虛思忍老名勝藉權公不仗郢人手焉能展大雄

# 七言律

## 山居

五首

芒鞚踏著好居山杖把黃茆宇宙間紫芊爛熳隨性  
飽衲衣破綻任情閒疎雲祇合棲嵒谷皓月無分照  
市闌土面灰頭無俗累孤峰獨坐聽潺湲

孤峰寄跡冷蕭蕭懶向人前數寂寥山有凌溪藏古  
月林多修竹挂新瓢鎗中慣煮連根菜爨下時焚帶  
葉樵僻谷了無塵世事任他湖海浪生潮  
一個茆庵居物外無心拾得未輕輸飄飄毳衲人同  
少寂寂柴門道不孤坐斲千峰雲作伴烹殘萬壑月  
爲沽家囊雖是貧如洗拄杖還堪出入扶

茆庵半結五峰腰千尺飛泉度短橋風撼巖松驚鶴  
夢谿分蘿月引猿啾流雲遶榻經三匝過客參堂只  
一宵地僻山高塵世遠誰同掬水飲終朝

卜得嶙峋儘有奇市塵名利不相推巖淡洞古雲來  
密徑小峰高客過遲白晝臨風趺亂草黃昏帶月續  
殘詩山中受用誰堪語只許山中人自知

再訪獅子峰獅聲偃峰二禪師

寥廓柴扉不設關峰頭獨步任留還苔深路滑雲先  
到松老枝疎鶴易攀花綻碧岱春意別風生翠壑廻  
情閒幾回拽杖同君晤高眺鄱陽水一灣

雲居覓隱者

寥寥一杖出簾櫳小徑高低煙水濛野鶴衝開溪北  
障山猿攀動嶺南風尋源直透千峰上覓友橫穿碧  
澗中因愛行觀耽閣久入門不覺月升東

舟泊大同有感

輕舟一宿大同城漁火爭開兩岸明夜靜蘆深鷗入  
夢天高雲斂鴈歸聲秋山古樹添詩思晚浦新潮長  
道情來去幾多江上客不知白髮鬢邊生

吉州禮隆慶祖塔有感

登臨祖塔日初斜草色離離未可誇踪跡蕭然閒世

外聲名久已落天涯山高不識崑崙勢寺老今歸豪  
貴家怪煞千秋龍象地誰能還我舊煙霞

禮天龍祖塔有感

路滿寒霜竹滿扉殘碑剝落草初回法堂破案塵埃  
靜祖殿深苔足跡稀月照蘿龕清且冷雲來松澗住  
還飛何期特地從新令千古雄名一日歸

送玄微禪師入楚

未久盤桓楚地行遠風高掛一帆輕因思黃鶴樓前  
句却憶青鷹夢裏盟兩㟁春莎同我淡一船夜月爲  
君明應知此去無堪贈先賦齊安赤壁名

登崖頭寺坐月有感兼勉煥章禪人

巖頭萬仞碧崢嶸月挂藤蘿微夜明疊疊泉聲超世  
遠重重雲影接天生誰開老寺垂今古何代閒田任  
種畊分付煙霞塵外客調羹莫負昔人名

贈制臺玉翁張居士

數年威鎮西江地文勅煙塵盡掃收寶劒弗施魔已  
伏征鞍未跨帝先酬名垂日月輝千古道重乾坤育  
萬流記得靈峰曾有約何妨弘護祖微猷

贈臬司蘇居士

法堂兀坐笑相逢促膝猶臨鷺嶺風凜凜冰霜生六

月炎炎暑色寄三冬毫揮黃峽旋流水覆育青天轉  
落紅扶豎宗猷須仗力蘇翁原是舊蘇翁

贈泉司補念秦居士

昔年馬祖出龐公今日何殊鼻孔同南浦三秋懸古  
月西江千里播清風紅塵堆裏頻垂手紫閣臺前獨  
點胸收放縱擒惟掌握聖名凡號豈能容

贈巡憲伯衡周居士

江漢澄清惠澤新簷帷駐處自生春蓮花君子能鍾  
愛草履山僧似飲醇經緯縱橫聯上下珠璣錯落燦  
星辰文章事業成雙絕名覆金甌第一人

贈文宗印周王居士

乾坤大道選文場鳳閣龍樓翰墨香筆落明珠光萬  
丈胸藏碧玉映三岡絃彈覩面言前調樂奏聲聞劫  
外鏘媿我何能躋佛印喜君德不讓蘇黃

祝寓庸請主兼懷祖庭事蹟

公生無祝逮華封舊案拈來表寸衷崇勝昔年施血  
戰同安此際襲宗風羣花既洽廻天力百草奚忘貫  
日功父子身心援祖道勲名誰敢不流通

過清涼臺達道禪師不遇

孤峰特出遠塵寰小徑新廬晝不關白瀑泉懸青嶂

裏紅桃花綻碧嵒間昔季共讀風前韵今日惟看雲  
外山滿目画圖收未去且畱明月道人還

寄東林主人喚鐵禪宿

曾過東林經一宿虛堂無壁傍雲眠六朝白社池心  
冷千佛青燈夜月懸鼓罷鐘沉今復響經殘道寂此  
重傳若非天外孤筇至誰向芳郊覓隱賢

雪朝和伊庵禪師韵

寒牀昨夜睡來遲早起童呼竟不知乞食鳥歸驚曉  
夢尋香客到供春枝敲冰贏得盧仝盃撥火輪開鴻  
老眉獨坐茅廬思舊識六花片片問阿誰

和文宗博庵黎居士韵爲上藍記事

冒暑扶筇問大夫相逢底意莫能呼維摩奧室青獅  
座畔老新堂舊馬駒欲向城邊弘古道宜須源上洽  
居儒翻思昔日推車案何事培前丈艸蕪

和少宰雪堂熊居士

十載雲農不出門茲來爲惜祖燈昏若非流水新浮  
辨那識桃花別有村佛老一圍蘇子帶額翁三世笑  
岳孫筆中透盡玄中句頂上青天足底坤

贈給諫約生熊居士

雲居一別十餘春笑指相逢兩鬢銀五位正偏俱截

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

斷三乘玄要悉堪親光垂祖刹千年舊恩普禪林百  
世新今日特來呈塔樣請君拈出話當人

贈邑侯渭綸屠居士

寶印高提繡谷峰權衡有道自心空雲生雙鳥凌煙  
上鳳舞丹霄玉殿中性海澄渟施舜德法城穩疊布  
堯風生生化育如天地更好威音一著通

和孝廉晉公閔居士入龍門韵

道荒德薄負蒼天相對今朝愧昔年越嶺雲旗曾法  
戰龍門爐焰許凌煙牀頭纔得支郎杖堂上重開馬  
祖筵獨喜此番春正遇一枝繁蔭劫初前

復宿雲居明月堂見羅漢壇有感兼懷季納熊  
居士

深懷疇昔千城護今日重來明月堂鶴返故林思故  
主蝶歸花苑採花香薰風涼閣傳新令碧水流雲遠  
舊場十載歐峰頭面冷祇存周匝一垣牆

喜方伯斗所余居士建法雲律堂并贈  
拽杖迢迢覩法雲莖茆頭現紫金身若非古佛舒千  
臂那許閒僧遠萬脩浩浩塵中能作主堂堂化外自  
來賓相逢不覺投鍼芥祖道垂秋又復新

賀南康郡侯昆湖廖居士來任

幾年畏壘憶君心此日重逢五馬臨柳拂金章歌晝  
永花迎紫綬宴春深匡山草木懷元晦修水煙霞識  
趙衿記得當初驚夢句還于鐘鼓續長吟

賀建昌邑侯韞思李護法

文星此際下車來梅雪爭春萬戶開畿甸遠遊飛鳥  
上海昏寬賴繭絲裁琴堂久望陳君績草野遙瞻宓  
子才三異賡歌民奏日還畱玉帶鳳棲臺

懷掃庵譚翁居士

高聲久已播東南自恨無緣覲面談雙徑峰前心法  
露淨慈池畔道光舍三朝肉祖由言著萬古宗猷仗  
力擔異地同風應寄紙弔堪短杓海中探

和蘇庵劉居士

爲憐師道入山孤覓火挑燈夜不紓莫謂青原無嫡  
裔須知龐老有良駒輸君環珮名金闕羸我玻璃注  
酩酊不負當年親記荆同安依舊會宗圖

次東巖和尚韵

何緣拽杖祖庭遊相對虛堂話更幽愧挽真風驚世  
子喜來紅日樂嵒丘鴉飛鵠噪春山好草色花香道  
脈悠消息許誰通一線斷翁顓老續先猷

壽紫竹林妙明和尚

法輪常自轉青筠黼黻人天萬古新南度煙霞開斗  
柄西池風月透欄楯杖頭花現優曇色鉢底香浮上  
苑春柳巷遺來親指掌惟兄盡露五湖濱

懷西生大師

記得飛筇過考盤疎窓猶恨雪霜寒一朝插草揆先  
哲十載支薪壯遠觀寶鏡池深通吉水廬陵木價探  
修瀾不忘鳳嶺臨風句竚望同扶舊刹竿

懷西意和尚

一展慈光已七年春秋荏苒若無遷夢遊歐阜雲同  
賞話別文江月滿弦橋巷綱宗惟大播傘居消息幸

多傳不辭飛錫來先塔鳳嶺猶歌別有天

次晦山和尚過訪韻

聲名久已出塵蒙覩面雄談動象龍果是天童傳少  
室不虛歐阜起雙峰三生共飲曹溪水一席同聞鳳  
嶺鐘寶鏡池邊纔揖別洞門依舊白雲封

酬雲巖元潔和尚過訪話舊

一見鴻川水逆漩遺懷二十有餘季弁山風入龍門  
浪古洞雲浮鳳嶺天賦質同時邀劫外談心共譜約  
生前徐陳此日重相遇莫使聲名世後傳

禮五乳憨山師翁衣鉢塔

一標述

幾年懷渴謁師翁，纔得登山展積衷。  
明月照時心鏡露，白雲飛處鼎煙濛。  
七賢侍座開生面，五老排門繼古風。  
今日小孫來九頓，願教血脈布寰中。

## 酬諸子賀進新方丈韻

方丈新成列祖基，中興法道在斯時。  
多季種竹留丹鳳，一夏攜瓶灌紫芝。  
衆自慚德業，羈酬機猶恨語遲。  
只今負愧單傳旨，不仗羣英復待誰。

## 入京謁雷臣余山主

萬里長江一葦航，山川迢遞悉商量。  
櫓聲晝入三台夢，帆影時懸五鳳纓。  
玉露點成丹桂彩，金風操動綠

荷香我來不借山陰興，護法堂前別有光。

## 謁元臣余山主

有賴先人玉帶垂，遠乘輕艦入邦畿。  
秋風拽動河邊柳，曉日披開洞口芝。  
遙望北城青氣靄，翹瞻南岸白雲低。  
孤舟萬里情難狀，聊以心歌一解願。

## 入都蒙萊臣余山主先視作此奉謁

疇昔文輿轉玉寰，餘光常燭鳳棲山。  
因時買棹乘炎氣，指日扶筇對笑顏。  
忽感雲堂先過視，莽拏心曲不遑刪。  
到來自愧無堪獻，幸借秋風點翠斑。

## 謁翰林學士子靜李居士

釋述

羽林正統自言集卷二

雲外風飄翰墨來故園秋色影三台時登玉闕珠璣  
露日陟金階錦繡催德重普天知大體聲高舉世沐  
鴻才餘光尚續傳燈焰西蜀遺錢豈復猜

贈嘉興郡侯遵度王居士之任

時光遠燭  
帝城邊策發臺隍五馬連紫綬低垂楊  
桺峯金章微拂芰荷天威宣巖壑風聲著令布滄浪  
月影懸煙雨樓前歌晝永還思世外有餘篇

離鄉

登臨餘情盡付鄉關外只有單傳一點心

參禪歌

參禪好參禪好脫却夏天衫更披冬月襖豎起鐵脊梁塵埃都敎掃三更紅日正當空千峰萬峰齊靠倒禾山打鼓圓圖吞棗雪峰輾毬拋磚引寶呵呵倒騎鐵馬出同安秋水秋山何時老

四威儀

山中行清風竹杖輕撞著賊且喜一身貧  
山中住家風無別慮養顛狗放出捉狐兔  
山中坐白雲來幾朵問如何蒲團齊坐破

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

山中臥兩脚長伸著絕親疎一覺無些過

法璽印禪師語錄卷第十一

餘小隱

法璽印禪師語錄卷第十一

嗣法門人性圓旋璣旋哲旋賢等編次

佛事

掃北京笑巖寶法身塔

久視云關子嶺上印破虛空面門烈焰爐中焚卻本生父母以金剛變相三昧酬答聖僧將如來最上一乘開通後學主賓互換照用齊行縱奪隨宜殺活自在坐孤峰而不見雲霞之色居十字而杳聞風月之聲繼法脈于將危續宗風于未墜聲名洋溢付囑聯芳法統津梁宗門關楗雖然若非龍池幻翁曹溪慈

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

翁法派兩源流通海內爭得臨濟一枝徧滿天下。今日不肖遠孫來叩塔前無堪報德以大地爲爐日月爲炬白雲爲香青山爲供列于我祖之前且道還來鑒納也未良久顧衆云寶塔玲瓏無背面兒孫千載仰高風展具大拜

掃五乳愍山國師衣鉢塔

師际幢云格外箴規當陽正眼操三玄甲而疏曹溪之脉整萬古綱而續柳巷之風胸藏雲六合筆奮海千尋世稱臨濟一宗徧滿寰宇若非師翁宏願法道焉有今朝法孫印仰攀碩德繼續芳猷中興同安祖

席提持向上宗乘此日特過五乳峰頭潦渙毛之供致祭於中興曹溪愍翁國師之靈酬昔淵沿欽承妙旨顧左右云還有未知源流者麼拈香云一炷兜樓觸鼻孔從教法乳振聯芳

曹溪中興愍山國師忌辰獻供

師至像前久視云轟霹靂舌擊塗毒鼓聞者俱聾見者悉瞽此是師翁家常未是忌辰極則事蹠天子恩受士師法刺目不逃傷膚不撓辛酸聲滿乾坤苦澁名傳天下此是師翁家常未是忌辰極則事復曹溪真面舉笑嚴的旨拈白尾驗龍蛇提烏藤驅凡聖只

教親炙沾恩聞風受益此是師翁家常亦未是忌辰極則事今日同安法孫既知報德酬恩忌辰極則一事作麼生舉聲近案燒香云修江水接曹溪水同安門對海潮門遂展具拜

掃雲居顥愚先老和尚塔

師拈香云折臨濟棒鎖曹溪水闡毒原不爲聖諦興雲居有路隔山竹林禪流雨集五臺衲子雲臻猶未是我先師後事客歲仲秋四日與同門昆季敬卜得一片無陰陽地恭遷法身惟願如日如雲蓋天蓋地去也今日不肖忝居同安祖席聊備信香於人天衆

前專伸供養顧左右云且道先師來未良久云燒一分紙著遂大拜

爲雲居先老和尚圓塔頂

巍巍聳秀象王峰上現全身面面玲瓏太虛空裏逞饒舌見聞有賴祖庭增光傘居之家風遮天蓋地曹溪之正脈源遠流長鳳子麟孫因斯出現大機大用在處全彰非我先師大和尚不能全提向上赫奕古今所以一時恒河沙數天龍八部金剛地神晝夜圍遶至於盡未來際無有了日正恁麼時圓頂一句作麼生道良久云昂藏壁立雲端外萬水千山列下風

60

1 2 3 4 5 6 7 8 9

70 1 2 3 4 5 6 7 8 9

80 1 2 3 4 5 6 7 8 9

熙道

古今圖書集成

三

## 雲居願愚老人十忌日

師拈香云沉檀一瓣纔拈起不覺眉尖淚兩行記得  
老人臨囑句當陽一喝起聯芳遂插香云諸仁者還  
知老人大人相麼向香煙未起處看便拜

### 弔雲門雪嶠和尚

時祭於匡山獅子峰

不才聞得青獅吼笠子腰包幾欲友恨殺雲居雲又  
淡彌封彌處難通走今朝棄我而西行四海嬰兒失  
乳母痛腸血淚染雲衣顰蹙雙眉哭破口末法時正  
法朽獅子絕行多狐狗憶吾師作家手施爲動靜甚  
平常語句辭章不捏扭仔細思世少有正好峰頭棒

破天何緣休世不肖久今杖非其偶青錢粉蝶滿  
林飛仙掌盈盈當作酒何時覆到古雲門香焚一片  
重稽首

### 雲居願先老和尚二十週

師至塔前拈香云吾師還記得麼於丙戌五月六日  
午時入般涅槃示寂滅定帶累腳下兒孫年年此日  
歲歲今朝繼往開來惟瞻惟仰茲者二十週辰遠承  
藩司余翁謹修清供列於我師塔前不肖知時識節  
奠一盃茶燒一炷香要薰我師鼻孔怎奈雲生山色  
月轉溪聲皆是我師法身不敢世諦流布遂彈指三

攝連

三編目錄詩卷之二

四

下顧左右云已開寂滅定現諸威儀來格來歛伏惟  
尙饗

掃同安佛頭峰第二代常察禪師塔

千峰連嶽秀萬嶂不知春孤峴倚石坐不下白雲心  
諸仁者還知此翁人境句子麼千有年來不惟常住  
此山且日炙風吹消磨不得所以孤迥迥峭巍巍可  
古至今無雜無壞雖然如是苔封荆蔓久矣今日揭  
出雲霄只要大家共見正恁麼時且道掃塔一句作  
麼生拈拄杖卓一卓云卓破虛空入境別家風振起  
鳳棲山

掃同安政公禪師塔

祖庭漚沒久一塔鎮孤村熱骨雲侵冷翻成鐵面門  
者是古今不昧的榜樣至今法席重興宗風復振今  
日山僧燒一炷香供一盃茶願與我師共鎮祖庭遂  
展具拜云一段慈腸和月冷幾回熱唾帶雲開

掃龍門第二代大機用禪師塔

師登塔以拄杖指云者座窄堵波埋沒已千載今朝  
特地新面目不會改諸仁者且道機禪師不會改的  
面目卽今在什麼處相逢難見面見面不相識遂焚  
香作禮

撰述

卷之三

三

### 掃龍門戒杲空明和尚塔

師遶塔一匝云此塔古今不昧日月恒照揭出當陽  
聖凡一笑清供謹拈重彰體貌大眾且道此老在什  
麼處良久云白雲時遶青山外綠水常流碧澗中便  
是此翁真面目令人代代仰清風遂拜

### 設寶峰、庵禪師供

師指像云天童後裔笑巖遠孫施馬祖大用大機行  
臨濟三玄三要到此正好陶鎔後學何緣短笛橫歸  
致使空山頽裂藏海枯乾正印今日得得爲兄錢燒  
蝴蝶茶點蜻蠅顧左右云且道者漢面目卽今還窺

得麼良久云爍迦羅眼猶難見狹根魔子豈能知到  
者裏非但汝窺之無分總使伊聞之猶難直須星攢  
碧落月浸丹墀翡翠簾垂燭香人靜如此會得纔許  
黃口小兒搭齒粘唇其或未然向山僧與者漢相見  
中薦取遂拈香泣云一瓣爐中煙篆冷寶珠峰下瀉  
春潮

### 寒食掃大機禪師塔

師云一回打掃一回新時吐煙霞繫故人織錦春花  
連古壁破天雲浪捲紅塵青青翠竹歌玄調朶朶奇  
峰展笑顰信手拈來堪作供願吾機祖鑒微忱遂燒

撰述

## 香作禮

## 寒食掃戒果和尚塔

師以拄杖指塔云者座古塔山僧疇昔已爲諸人指出分明今日重新舉示是什麼意特爲未見者見未聞者聞明初戒果禪師重興祖席復理宗猷居此寒巖深谷之中被無恥輩把他一片青山埋沒將盡所以山僧今日復理風境且道風境作麼生理遂拈香云清明三月菜花黃雲轉寒崖道骨香嶺後松濤吼落日令人千載仰聲光

## 爲龍雲寺聞嚴耆宿起龕

值古雲

師云淵公聞老宿深居幽谷傲雪欺霜固守一片岳頭道場自知老病休歇於廿四日撩起便行徒衆特請山僧舉揚末後一事顧衆云且道末後起龕一事作麼生舉喝一喝云一輪迸出千竿竹三瀑衝開九疊雲以拄杖指龕云起

## 舉火

師以火炬打○相云者個便是超生越歟的大解脫門未聞嚴先龕裏寒冰結已聞嚴後井中炭更紅於此薦得方識四無遮攔得大自在設若不能山僧爲汝觸體點出眼睛去也擗些云幾莖不落春秋木撲

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

# 地燒成朵朵蓮

爲獅子庵藏一禪師封龕

師就龕云聞報藏公歸去也蕭蕭自在冷如風雖然  
青嶂雲歸後猶待山僧一句封且道作麼生是一句  
封以拄杖指龕云千山萬壑雲者片可藏一

爲聖傳鐸副寺舉火

師云聖傳副寺三載同志當初越山一擊粉碎惜乎  
今朝蝶隨花去且道甚麼處去以炬撩下云烈焰長  
空無背面圓明何處不清光

爲德光靜主舉火

師云德光德光揭露當陽柳巷從君舞蹈孤峰任汝  
徜徉打○相云會得者裏許你格外承當其或未知  
還要山僧指出短長以炬撩下云渾身拶出金剛燄  
一朶優曇處處香

爲戒生闍黎舉火

師以火炬打○相云來時恁麼來去時恁麼去來去  
本天然切莫犯廻避且道如何得不犯廻避去喝一  
喝云煙霞直透青霄外一道靈光耀古今

爲慧光火頭舉火

師舉炬云性火真空性空真火狹路相逢定無處躲

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

不是冤家不聚頭通身化作劫前火顧衆云慧光火  
頭到者裏還有轉身處麼遂揜炬云清風一陣長空  
掃紅日團圓正當午

奠顯微元法子

師至靈前云圓明妙體本無去來自性天真不屬生  
死勸惟新寂法子顯微元侍者一生孤硬生鐵鑄成  
龍門三載巾瓶一朝打失鼻孔同安室裏鍼芥投機  
遂以濟北家風兩手分付豈期凶風忽起北斗頓橫  
以致法門凋殘慧命莫續今子道友曉也上座秉道  
義之交念同參之託於數百里外送子靈骨歸山老

人不覺五內盡枯聊以祖庭丈左酌金井水調野菜  
羹奠于我子之前以表師資法愛來格來歆惟茲尚  
饗

奠梅若法子

師至位前良久云梅若維那少季英俊秉出世心擔  
佛祖任操德業廢寢忘食守律儀如冰似雪山僧以  
惡辣鉗鎚爲伊徹骨徹髓擬爲法門利器誰知格外  
閒人傷哉惜哉兩相辜負諸仁者且道今日還有不  
辜負處也無顧左右云以此爲驗

爲雲曇禪宿入塔

師向塔前云心肝鐵石作用超方復祖庭而不畏死  
生掌諸山而多般權設只因輔正驅邪以致喪身失  
命同安今日全賴恩光道風遠播所以山僧自愧無  
酬只得將斯吉土卜此良辰爲伊入祖塔之傍以作  
千秋遺蹟雖然且入塔一句作麼生道托骨入塔云  
鐵壁銀山無出入白雲流水有聲名

爲衆高僧入塔

一點墨水兩處成龍空谷傳聲彼此相應也有爲生  
死不畏寒暄也有爲叢林不惜身命到如今山僧爲  
他捏聚成團挽回一鏡直教世諦空華塵緣脫盡且

道如何是脫盡的事以手數靈骨入塔云一衆同歸  
無縫塔從敎生殺不春秋

爲昌堂法子起龕

師以杖指云龍門升堂同安入室泥牛海底來木馬  
雲中去透祖師關無益無函秉如來命自尊自貴到  
恁麼地正好紹隆佛種何期一旦函歸四五年恨切  
誰知三十載苦心何在雖然也是世諦門中若實際  
裏地何曾損壞纖毫只如不損壞的是個什麼一夜  
雨風頭腦裂千山血淚瀉霜寒遂命昇出

弔季納熊居士

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

夙世利根金剛悲願護法雲居三十季聲傳海內恢復同安千萬古名襍諸方訓子孫以聖賢待繙素無彼此坐塵寰中出塵寰外不被諸緣所轉唯愁大法未明如此正好與法門打成一片豈其劫外風生橫吹鐵笛山僧聞之痛淚落腹五內憔然今日乘一葉輕舟特到板前燒一瓣香奠一盃茶不敢言報德酬恩聊以進平生道契雖然如是更有與君不了一句又作麼生道顧左右云痛淚不同流世諦惟君悲願復重來

爲退庵禪師起龕

師云動也定也昨夜泥牛吞却月定也動也今朝紅日上東山只得東湧鹵沒北達南通一段孤光仄生不易恭惟示寂退庵禪師守毘尼皎若冰霜具法眼明同古德處僧處俗渾如太古淳風應世應緣成就空華佛事正好一方主化何期鐵笛橫吹致使龍象無依法門清澹今汝弟靈機大德啓合縣檀那命山僧爲伊作茶毘佛事今日不敢他辭只得打開玉鎖撥轉玄關爲伊判決去也以杖擊龕云少時道破命出

爲退庵禪師兼舊過空生禪宿舉火

師云者個師徒恁麼奇特生時不同生死時不同死  
生死雖不同就中無彼此所以道青山白雲父白雲  
青山兒白雲任往來青山總不知既然如是今日爲  
什麼又向者裏聚頭撞腦覩面相逢將末後一段因  
緣要山僧爲伊了却且道卽今更作麼生施設以炬  
打○相云舉起劫前三昧火倒騎木馬上雲霄擲下  
便行

爲破衲禪人舉火

師云破衲禪人叢林實行聞風滅火爲法亾身看伊  
者段真心可作千古標致奈何不解藏身以致徒空  
喪命山僧今日只得教伊就火焰中尋一條出路諸  
仁者且道作麼生是伊出路聲以炬打○相云會麼  
設爾未然不免重下註腳遂擲炬云無底底中重破  
底有枷枷上再加枷命根截斷終非斷烈焰騰空布  
雨花

爲待贈高門余氏孺人火

師云昨日山僧出山爲弔高公之媳余公之女不意  
二公擇此良辰命山僧爲伊指出生前面目末後因  
緣今對衆前且道如何結案以炬舉起云性火真空  
性空真火狹路相逢定沒處躲復擲下云烈焰光中

撰述

法華傳疏

卷二

# 朶朶華天堂佛國親垂手

爲智微禪德火

師云汝本真實人所行真實行迢迢千里來唯求末後事且道末後事作麼生爲汝結案以炬打中相云四大本空如泡影圓明一點露長空遂擲下便行爲廣福初開禪宿起龕

師云生也死也若青山之白雲來也去也似當天之杲日本無心于出沒豈有相於去來一道凝然可古不昧恭惟禪德生世八十一年戒臘四十餘夏受毘尼于傘居之室養道緣于約翁之庵一勺彌陀直透

安養國中雙融性相不離今世門頭不期世幻已盡撒手還家今朝吉日良辰爲伊作一期佛事拈杖擊龕云舉起初開那一步臨行重踢上頭關

舉火

師云其生也本自天然其死也無迴避處白雲片片起千峰黃鳥聲聲啼不住既然去住自由因甚畱者殼漏子以待山僧寃有頭債有主烈焰光中獨出手遂撇下

弔方伯斗所余翁大護法對靈燒香。

三十年來求大道同安始悟劫前人君今撒手恁麼

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

去那個聞知不慟心恭惟誥封光祿大夫斗所余公  
別號道庵大護法現宰官身悟無上道爲朝廷之祇  
柱作法門之金湯建叢林於城市山中宣王化於普  
天匝地恭寬信敏道德存身教子有方規繩合則一  
貫純風慈心三昧甲辰五月山僧托鉢洪都掛錫法  
雲忽蒙先顧片語相投直下皈心中與祖席直敎四  
海俱聞緇素共仰正好輔揚大化接益後來殊期宦  
緣已盡撒手離塵但恨當時未與同安通個消息使  
山僧五內盡裂以致佛法垂秋今日特對靈前拈一  
瓣香奠一盃茶以酬數載莫逆道交并報建立祖庭

厚德報德酬恩卽且置拈香設供作麼生道良久云  
覲面相逢呈舊案今時原是昔時人

爲法雲律主雪眉和尚起龕

師云迦文入滅於雙林雪眉抽身於法雲無底草輶  
踏破巫山十二重無舌頭人吸盡西江千萬傾吞粟  
棘蓬於天童密老受三聚戒於華山昧師嗣後道化  
南州與方伯余公共同大願酬倡稱時建立叢林十  
方雲集致使四衆咸皈三緣具足倏爾化緣已盡便  
與余公先後一揆山僧同化江右共一檀主只得有  
條攀條無條攀例卽今起龕一句還委悉麼卓杖云

60

1

2

3

4

5

6

7

8

9

70

1

2

3

4

5

6

7

8

9

80

1

2

請出那伽常大定爲祥爲瑞現霞冠

入塔

師云孤光獨露耀古騰今聲出青霄名垂後世恭惟法駕開方便門說清淨法化導羣迷成就四衆末後忍俊不禁道個老僧不會生今亦何曾死生死與涅槃霜花結石耳可謂臨行灑落不滯繩規所以留下者段公案祇待同安長老爲他掃踪滅跡古德云湘之南潭之北中有黃金充一國今日雪眉和尚亦有個無縫塔子且道山僧作麼生與他結案以杖指六地爲函天爲蓋中有虛空徧法界函蓋乾坤沒些些

鐵壁銀山絕光彩一臯云封好

爲余護法起棺

師至棺前云來自遼陽去於江右北斗藏身無聲無臭恭惟皇清誥封光祿大夫江西布政司斗所余公大護法居宰官位而恩澤弘深透祖師關而道風遠播上爲朝廷股肱下與士庶分憂時時鼓揚法化處建立棲林二十餘季不辭鞅掌之任有時向王法堂上因邪打正有時於燕居閒處凡聖不分有時向紅塵堆裏撒土揚沙有時於金紫行中添花布錦到恁麼地正好放去收來縱橫祖道豈料西風倏爾撩

60

1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

標題

起便行今朝持服孝男雷臣居士等特請山僧於端表堂中重爲舉揚舉揚則且置紙如起棺臨行一步作麼生道還委悉麼遂近前以手舉杠云藩侯自北到江吳九載恩垂道俗孚疆外小城畱不住迎歸帝里壯皇圖復云起

爲少宰雪堂熊翁誥封夫人葉氏燒香

師云古謂諸行無常是生滅法生滅滅已寂滅爲樂生滅且置祇如誥命夫人寂滅受用畢竟如何打○相云常光一段無今古自在天中坐寶蓮遂燒香

爲雪堂熊公大護法燒香

師至靈前云劫前鐵樹正芬芳不落春秋不覆藏枝葉疎疎撐宇宙花開果熟落天香恭惟大護法朝廷柱石佛法金湯了多生向上之機悟性中解脫之法隨緣不變常住世間不變隨緣性相不二記得昔季在螺髻墩上時公拈山僧杖云者條拄杖得恁麼直山僧徵云直且置只如古人道喚作拄杖則觸不喚則背不觸不背更作麼生公云且喜今日在弟子手中山僧徵云意旨如何公云撐天拄地山僧云珍重公便作禮嗣後遂以臨濟一宗兩手分付不意抛却世緣橫吹鐵笛山僧直抵柩前拈一炷香奠一盃茶以

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

酬護法之德還委悉麼一片栴檀纔舉起滿腔徹底  
骨毛寒仰勞大眾誦經化楮

爲汝鍾閔老居士燒香

生本不生死亦不死一道圓明古今不已恭惟閔老  
居士光吞日月氣裂山川風聲遠播於尼山名實低  
回於鷺嶺駕慈航出宦海了知自性本空披繡服禮  
圓通親見觀音自在非迷非悟出脫凡情是證是修  
打翻聖諦以拂子打○相云居士前歲告殂山僧今  
日作弔且道其中還有先後也未拈香顧衆云從來  
春信無高下一任花枝自短長

舉朗目禪人火

杲日中天江北蓼花飛爛熳眉頭慘露階前野鶴動  
妻聲此時此景正是公末後一段好境界正好操持  
前志何期撒手長行今公親眷堅請山僧爲公了却  
未後公案且作麼生了以炬打○相復喝云舉起自  
家三昧火痛鞭木馬帶風嘶遂擲下

同門絲外禪師起龕

圓明寂照本無去而無來妙性融通示有生而有滅  
恭惟絲大師住世五十四載法臘三十有一同出傘  
居之門共入雲居之室旣爾天各一方參商南北祇

望龍天推出扶持濟上之風何期世緣拋擲鬧裡抽  
身小弟聞訃五內痛裂就於同安烹迸花之清泉煮  
寶鏡之蘋藻聊盡同門之法愛也兼聞遺命匆匆遠  
來將萬派爲茗千峰作供切勿常寂光中展眉大笑  
請兄向第二峰頭少現火光三昧以杖擊龕云不移  
一絲全體露敵勝還他獅子兒復云起

舉火

昨日雲雨濛濛今朝碧天晴晴雖然時節因緣臨行  
方得恰好遂拈炬打○相云者便是大師現底三昧  
所以古人道三世諸佛于火燄中說法三世諸佛立

地聽汝諸人還委悉麼其或未然山僧爲諸人別通  
消息去也揷下云烈焰光中垂隻手大千世界現全  
身

爲老比丘下火

拈炬云好山好水徒然過荒草沒頭全身墮八十年  
來總未知臨行乞我火一朶今朝覩面重說破說破  
個甚麼一喝云杲日當空添烈焰圓明一點去來博  
遂擲下

慧中比丘尼舉龕

劫前個段無生理今日拈來獨讓他放下腳跟撩便

板  
述

法華百種師記卷十一

去了知生歟是空華者比丘尼生緣八十有六出家三十餘春解脫一切法塵成就無上妙樂可謂明如玉露皎若冰霜今諸道侶恭請山僧少作一時佛事遂以杖擊云擊碎雲龕無處著高移一步出凡倫

## 下火

舉炬云會麼者是汝現前三昧耀古騰今無堪敵者雖然也須山僧爲汝道破遂一喝云高著眼吾今助汝一星星到處圓明光爍爍掠下

## 爲優曇頤公老宿起龕

高高峰頂立淡淡海底行木馬騰空走玉象出崑崙

恭惟圓寂優曇師兄頤公老宿得根本智于顥愚老人受真足戒於密雲和尚編叅知識踏斷差別路頭諮詢名山露布頭陀苦行末上邗江拮搆禪室四十年來把住要津不通情竇直至幻緣將謝之時等閑道個門前柳色垂青眼檻外諸峰笑點頭卽此二語不唯繼續圓通二代卽我傘居先師父子不傳的極則處亦被師兄一時漏逗了也弟自燕京回南特過此燒瓣香以盡同門之愛不期乃徒旋恩旋義暨諸眷屬等於西南角上卜得一片無陰陽地欲建無縫塔子今當吉日良時請作起龕佛事是以忍俊不禁

60

1

2

3

4

5

6

7

8

9

70

1

2

3

4

5

6

7

8

9

80

1

2

3

4

5

6

7

8

9

撰述

葛藤至此不免常寂光中軒渠一笑一笑且置只如  
起龕一句作麼生道遂進前以杖擊龕云桃花處處  
笑相迎高移一步春風送

入塔

以拄杖指云盡十方虛空盡十方世界總是師兄者  
一座猝堵波自古及今函蓋乾坤不通呼吸無雜無  
壞無始無終到恁麼地正好與萬象森羅情與無情  
一齊證入無生國裏端拱無爲自由自在雖然如是  
猶有一點罅縫待小弟益覆去在且道作麼生益覆  
以拄杖作拽勢云一方頑石搜將來猶待家人親手

擲復卓二云恰

爲嘉興郡侯遵度王公大護法燒香

無去無來靈光獨耀不生不滅本體恒存恭惟中憲  
大夫王護法悲願不忘現宰官身而說法雄才特用  
懸金斗印以衡行驅五馬於黃堂御六龍於赤絳諸  
山各刹總沐鉤鎔田叟漁翁俱叨化育山僧初晤于  
燕都再逢于檇李幾度盤桓無非中道正好撫國安  
民忽唱還鄉曲子嗟夫西來大意未盡商量刻藏因  
緣委諸檀度此非護法有棄於山僧蓋爲山僧無緣  
於奏就茲居旅底無表寸私特向尊前辦香作供只

撰述

法華白禪師語錄卷十一

如來格來歎一句作麼生道插香云信手拈來焚寶鼎氤氳端的透朱陵

同安挂鐘板師拈椎云人天號令祖師繩規今日重提風行草偃直教一箇箇皮穿腦裂膽喪魂驚不守自家窮活計豈容先聖舊儀軌雖然如是且坐斷見聞一句作麼生道遂擊鐘板云一撥靈機天地隕千差別處絕纖塵

### 法華印禪師語錄卷第十一

嗣法門人性圓旋璣旋哲旋賢等編次

募疏

募修至禪師并高僧普同三塔疏

豫章海昏之有同安者唐廟古刹也自同安和尚開山而常察禪師居第二代三代得不禪師宗風大振至今曹洞龍象遍天下悉皆不祖之腳下兒孫由是列祖代振法席指難數屈山僧於壬寅年濫廁祖位見道場在荆棘叢中慨有興復之志茲喜殿宇佛像漸已就緒每當鶴唳天霜鶯啼春老之際拄杖撥草

尋獲常察禪師之塔猶存佛頭峰頂若開山并不祖  
高僧普同諸塔雖存有基址而狐窠兔穴風吹雨浸  
將有所不忍聞不忍見者夫蛙虫朝遷暮返弗忘其  
本鳥羽返哺猶知報恩豈忝在法門如秦人視越之  
肥瘠乎或檀信長者或曹洞後昆聞風翕然揮金助  
砌當同阿育王造塔湧出震旦大放光明普天匝地  
沾恩去也勉旃望之

化油疏

同安一室黑漆如如自古日不能輝從來月未可照  
有無一片虛實成團雖然天曉不露何妨夜半正明

今告四方檀越八表金湯拈來投子油瓶一任諸方  
定價舉出揚岐燈盞發揮百寶光明燈草藉以吐談  
琉璃因而普徹到恁麼時太乙僊畢竟開眼然燈佛  
自然眉舞

化茶疏

冬風喚而不回春陽發而點出優游乎雲霞堆裏茂  
盛乎雨露場中收歸沒底籃間快樂無煙火上直教  
露者露而藏者藏囊者囊而橐者橐十方檀那有能  
信手拈來投於寶鏡清泉烹於瀉山巨釜則盧仝盃  
自浮香趙州瓶自發潤不惟同安僧衆兩腋生風亦

撰述

且天台羅漢團圓沾味設或有問如何若何山僧只對他道喫茶去

### 募鍋偈

南泉打破鍋至今無人補乞箇沒錢人大家相與輔同安則不然偏覓有錢主虩羨與粥飯禪悅在此釜

### 慧明庵募化藥師禪期修建大佛殿

靖邑有水曰雙溪渟流而上四十里許有庵名慧明然慧明之名非無由也蓋此地上達曹溪下通廬岳其中往來叅詢衲子決明己事接續佛祖慧命源頭者未有不過此也余癸巳秋應龍門請經此一宿至

深夜經行偶見四面峰頭煙雲吐秀瑞色衝霄語侍者曰不久於此必建梵刹迨至今春陽回大地萬物咸新余與諸子乘時化道雙溪以效中峰故事仍宿慧明其主人持一冊告曰某欲建立叢林接納雲水請和尚一語導引大檀余深媿無文不能動大方長者瞬舉一則陳爛葛藤以報諸君子昔世尊與衆遊行次以手指地云者一片地好建立梵刹帝釋信手拈一莖艸插於地云建梵刹已竟世尊微笑諸居士者兩古人雖則隨處建立不費纖毫檢點將來不無敗缺怎似我融通上座要諸居士大家拋出玉粒金

輒各向慧明無陰陽地上建立瓊樓玉殿涌出丈六  
金身到者裏支無底鍋炊無米飯接待往來千飽萬  
足與諸居士同獲真實功德同證佛祖光明達士高  
人不可不信謹疏

谷雲峰化修主殿敘

道人動止如孤雲野鶴去住自由本無定向所以古  
德云未有常行而不住未有常住而不行試看古人  
一言半句意要衲僧如雲如鶴騰於霄漢之外隱於  
洞壑之中或出或沒了無所舉世未有出格超越如  
此也惟我韞公動止澹然有古人之氣色不以時鬧

動轉自嗣海門洞宗之後乘一葉逆流止於潯陽能  
仁白雲祖席後入匡山結茅於天池之上聞余主靖  
邑祖席以杖笠遠來見訪余因邑中於棲雲相接候  
事畢同入龍門室中兩月意有弊道尋石門理聰翁  
舊隱以便與龍門往來偶有梅溪湯氏家明德居士  
領衆檀越請插茅於後山額名谷雲囑余代告十方  
同扶露柱共補虛堂余于是爲敘

爲北京慈雲寺募化大悲閣緣疏

蓋因果之道杳渺難窮世多惑于罔信者惟功驗之  
理顯然易見人皆共得而趨之何則吾佛從無量劫

撰述

法華寺福館詩錄卷之二

中以其身心並捨財法兼施故感依正二報廣大無涯天上人間不堪比擬故菩薩復以深重願行逐類現身隨方應跡設慈悲法破其慳貪發其喜捨使天下後世之人各各皆得由斯而入也然而修道者果能效菩薩之行願乎效之則入道之緣有在矣東城盔甲殿慈雲寺乃都內七大名藍之一也有住持容輝上座志氣高上戒德精嚴篤於擇持勤於接待真法門之良榦也山僧從豫章開法二十餘年亦因修造爲慮昨來京門忝邀東堂掛搭一日容公商之曰某有一未了之案敢請決之乎山僧詢其故則曰此

一片地曾爲注水之場萬曆間得翠峰和尚之所創立也當清之時有吾太祖了空自二韓而來單瓢隻杖苦行年深方得道場不振復得吾祖心如擔荷守成百廢俱興大悲閣未造基址尚存不能就緒由是心祖臨寂之時呼某入室囑之曰此閣乃吾生平未了之願儻子得而述之則吾寂光中知子矣山僧一聞此舉不勝踴躍曰此閣者乃衲僧修道之所衆信崇福之門有益於一方畱光於不朽敢不愈加讚助乎山僧雖不能文亦可以此繼述之志書告王公卿相長者大檀若男若女或俗或僧總祈大開寶藏共

成有相之功信手拈來同入無爲之化俾平地上湧出玉殿瓊樓虛空中突出金容寶相金粟如來放光現瑞大悲菩薩介福儲祥功德齊彰果因不昧想見者聞者亦必有以頓發興起之念也夫

江西黃檗山募請書本藏經緣疏

豫章新昌黃檗山唐代敕賜報恩光孝禪寺乃希運祖師之道場也因元明之後渝爲荒岑復得宗源老宿祖位重來四十餘年勞心苦志不憚寒暄燥溼始獲插艸栽松重新殿宇佛真堂闡靡不莊嚴見請亦庵和尚說法斯間弘揚向上但思祖席具興唯缺藏經一事夫藏經者乃叢林之大觀人天之要具不可缺也缺之不足以知先德不足以啓後人不足以明大道不足以解玄微及其往古型儀歷來修證又奚足以稽之哉縱能悟徹根源未免管窺佛法有負世尊四十九年三百餘會塵說刹說爲人徹頭徹尾之婆心也此爲繼往開來承音接響之務可不急乎故宗源老宿每欲計此未得其人幸有孫允吉公者發堅固心行廣大行叩浙省嘉郡泥首振鈴三越歲乃感檀度施若干冊以全藏較之十有一耳余爲先師重刻錄附藏寓嘉禾之天寧見公往來酬酢唯以藏

經爲事因爲代書數語徧告王公宰輔諸上善人然而大藏真詮非祖庭莫能持載十方金玉非勝事莫能動搖黃葉乃天下之祖庭檀越乃僧衆之恃怙有祖庭無佛法山不鍾靈有僧衆無檀那人無起色今公此舉可爲最勝莫缺之端誰云妄求奢誕之事想能施之人所施之法定是同歸未遂之事旣遂之心必爲兼得之矣伏願指日告成功德無量

雜著

曹谿慈山師翁墨蹟跋

嘗聞吾祖憨山老人五十餘年說法於南北兩地往

往多於金紫行中其與宰官居士往來交接者不知幾何人也究承傳受益契法盟心久約不忘始終一致者不甚多見初聞有伯玉汪公每以詩文勗望不虛矢志之因續聞有右武丁公每於軍戎崇敬不輕患難之爲再聞有牧齋錢公掃庵譚公巾瓶從事不忘法道之隆雖則知其大槩不知其審也何也山僧翁者多見師翁者少及乎得師翁手書墨蹟者萬無一矣不期昨來嘉不得接牧公項居士乃金明介之法嗣襄毅公之後裔入道殊淡弘法旣久布網垂鉤

根道一

卷之三

大有生活之手真紅塵中特出之金毛也山僧正嘆服不知其何異焉忽晤其叔寄庵居士徑於書笈中取一軸見示曰先君楚東歷官粵東別駕與憨大師往來相契話道因緣幸存其蹟和尚其一游目乎山僧得之欣然讀之不暇遂袖歸舊寓細賞其由始知楚東先生乃吾憨祖腹心中人也第知楚先生知憨祖寄居士知山僧則又知牧公知金明皆祖先垂庇非項府信譽法門有自哉因此源源故爲之跋皆乙卯八月日也

爲瑞慶庵開山碑記

山不在高有仙則名水不在深有龍則靈言其本業有成可以隨緣得化也古人建叢林立宗旨轟霆震於晴空鼓波濤于陸地亦皆以道德爲本故在君則安天下之民在臣則攝天下之政仕之用以敷治居之用以滋身聖賢用以設教佛祖用以度迷鬼神不能窺人物不能量如斯妙道可不進之乎而無爲公生地武邑曉世空華發無師之智欲求出世之方棄愛緣如敝屣樂善法如醍醐走建昌雲居顓愚老人祝髮按圓通法派取諱音問號無爲數年精進持誦勤行苦行知有向上大事便能直下追尋爲般若中

勇夫也受方融大師具戒有志觀方游泳諸祖道場參禮諸大知識得是非不落之機人見聞不涉之理釘抽樞去實往空歸復思崖居穴處木食荷衣是返本里止宿下高泉得瑞卿葉居士盡底盤桓延至梅園結茆三載惟居士植衆德本種廣福田不忘靈山之委囑遂就址營庵命名瑞慶俾世生傳續千古畱雲四衆有依飯之處鄉黨得焚祝之場記其楹前堂後殿樓舍立於西東記其像釋迦爲中應真爲護大士寶光列於左右饗餐不繼衣鉢無充仍施田糧若干爲僧恒產鎰實藉以無虞房廊足以容衆公來索

記余語坐問焉公曰遠郭七十里景定癸丁奇巒踞其上曲水遶其前余曰此季約之蕭齊維摩之石室公得而居之則吾圓通法派可行公之本業又可崇矣因是援筆記之以證將來之緣起也

### 同安規約

夫出家者離親別族未盡天倫禮佛投師求其向上既知生死事大必當辦道爲先爲法忘軀莫辭勤苦古人數十年居林下勞其筋骨餓其體膚以致發明此事增益不能方許提綱唱道黼黻宗猷據位稱師臨衆馭物故山僧豎法幢開爐鞴以燬聖凡下惡鉗

錘不拘唇吻爲諸人以了不了之因緣以明未明之公案間有冒違約束不準規繩九旬不滿卽欲抽單出堂一載未終便來告假他往此輩原無志於叅求豈有心于決擇俾之同堂則如濁水汙其清流與之共住則如嘉苗亂其稂莠斯乃法門所惡山僧特爲嚴革耳諸人旣不遠千里萬里冒暑衝風來到同安入堂結制切勿懈怠從前時光虛度必當搬磚運瓦念念如救頭燃心心無有間斷向已分中用工綿密自然透頂透底好與山僧眉毛廝結揭露家風如水合水似空印空何憂乎法道不興何懼乎門庭不振

### 微細規條枚舉於左

#### 清化規約

夫出世之事應以叅禪學道爲本遠名利如涕唾輕富貴若浮雲動則不知有營求世界靜則不知有寂守身心形同槁木灰灰影合鏡花水月彼卽此卽人離我離渾無固必之心絕沒和混之意一味勞形苦志忍冷耽饑學聖齊賢成佛作祖提宗唱道了達真乘方不負國王水土之恩父母養育之德師長訓誨之功已分勤劬之力設或意縱情隨苟求安樂誠恐他日閻羅老子扣算飯錢那時無有脫身之計悔不

及矣間有一等手持匏器背負囊箱東茶西飯混擾時光決擇之心全無叅求之念烏有可惜。一生虛度無所實歸恤念將來良可太息是以山僧初來都中慌居此院飲用稀微奈何時節到來不敢違背今亦延畱清衆結制安居爲汝諸人決明向上雖則有屈高賢亦可聊資道統煩望在此同居之人內外悉宜守分叅請遵其首座規矩聽其維那和雅觀其悅衆進退任其知賓營作由其知衆飲食從其湯頭不可仍前散憚放逸自恣交頭接耳說短道長笑罵高聲驚群動衆如有此等輕則跪香巡寮重則責罰出院

二六時中務宜各抱本叅用誠追究動靜間憇毋令散失日就月將自然透脫此時正好向鍼鋒上走馬闊處拋磚收放自由全無隔礙果能如是不惟清化與你們寒暄共操握手同行卽將從上祖父家私兩手分付可矣珍重珍重

法靈印禪師語錄卷第十二終



60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9 90

撰  
卷

花印分

湖州府安吉州正堂信官  
信官薦德清縣正堂信官  
堂信官馮孝豐縣正堂信官  
法璽印禪師語錄卷七  
千五百八十七字該銀一錢五分五厘  
仰祈佛力福被人民闡衍齊沾  
菩提之潤謹意  
康熙十五年四月  
日揆叢經坊附板  
浙奉夏維寧梓

六十四

26

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9 90